

說

林

集四第

商務印書館發行

吳

東方雜誌

月出一册每册三角全年
三册三元郵費每册三分

本雜誌創辦已經十載風行全國自前年大加改良版幅放大材料增添詳載政治文學理化實業及百科之學說并附中外時事詩歌小說均極有關係之作每册約二百餘頁二十萬言附圖數千百幅尤為精美足資考證

法政雜誌

月出一册每册一角五分全年
三册一元五角郵費每册二分

內容分 論說 譯叢 雜錄 專件 記事
附錄 研究法律政治上重要問題介紹東西大
家學說及本國名人著作凡議會議員行政司法
官吏地方自治之職員及一般國民均不可不讀

教育雜誌

月出一册每册一角全年
三册一元郵費每册分半

本雜誌出版已及五年銷數日增足徵吾國教育
之進步自前年起改定體例力趨實際列目於下

- 1 圖畫
- 2 言論
- 3 學術
- 4 實驗
- 5 教材
- 6 史傳
- 7 修養
- 8 調查
- 9 法令
- 10 記事
- 11 雜纂
- 12 文藝
- 13 答問
- 14 名著
- 15 附錄

小說月報

月出一册每册一角五分全
年一元五角郵費每册分半

材料豐富趣味淵永印訂美麗定價低廉所載長
篇小說短篇小說皆由各名家分類撰譯情文兼
擅附以圖畫譯叢雜纂筆記文苑戲曲等均耐人
尋味實為文藝中之妙品非僅為消閒之資料也

少年雜誌

月刊一册八分預定六册四角
四分三册八角郵費每册半分

本雜誌廣續前經出版之童話以極淺顯之文述
最有興味之事又於故事之外益以時事評論人
物傳記博物資料德育模範以及衛生遊記寓言
美術遊戲等事足資觀感

兒童教育畫

每册七分六册三角八分
三册七角郵費每册分半

本書將有關於各科學之事實繪為圖畫以極簡
單之文字說明之俾兒童既閱是圖更讀其文即
知大概每册十六頁內插彩圖八頁後附懸賞畫
并可贈書尤足鼓舞兒童之興趣

說林第四集目錄

毒龍小史

不瘋人院

蓮孃小史

巫風記一

巫風記二

巫風記三

二十世紀之新審判

目錄

悵 庵

嘯東 侯俠

前 度

不 才

不 才

不 才

冰 心

不



說林第四集

毒龍小史

悵庵

某郡有顯宦者遺金滿簾儘敷揮霍子甲乙孿生貌酷似性皆穎慧眉目如畫戚
郇嘖嘖譽之曰雙玉因肥瘠判彼此焉長曰肥玉次曰瘦玉雙玉皆旁生側挺父
以晚節婆婆森森蘭玉鍾愛異於常兒又難兄弟讀書數行下援筆爲文竿頭日
進十二而呼小友十三而倚馬千言矣小試出以游戲千人辟易兄弟各占府縣
第一補博士弟子員年十三耳無長幼內外皆曰千里駒千里駒
無何風燭淚殘崦嵫日薄雙玉父以疾逝矣旣葬雙玉以五陵裘馬十郡良家兼
之文采東南詞華梁洛一登壇坫則暗鳴叱咤如項王戰河北諸侯皆作壁上觀
莫敢妄贊一詞也文謙周遭雖擊鉢催詩七步已就同人皆奉以徽號曰飛隼又
別爲大隼小隼焉談鋒偶動口若懸河當其滔滔不竭之會知難者皆箝口結舌

無可置喙。所謂推倒一時。雙玉當之實無媿焉。郡人士豔羨之者。則曰生子當如雲間父。

雙玉既美丰姿。羊車所遇。擲果皆滿。翩翩自負。隱含蕩意。堂構既頽。益自縱恣。始而閨中上下無不徧。亂繼且夜走。臙脂晨過。趙李秋月。春風等閒。度此中光景。玉殆無不徧歷焉。郡中薦紳子好及時行樂者。一宴一會。非玉兄弟不歡。自是而朝秦暮楚。栗鹿逾恆。大好年華。儘消磨於笙歌醉夢之場。不轉瞬而雙玉亦弱冠矣。肥玉娶於某氏。蛾眉曼睩。放誕風流。亦奇女子也。嘗與肥玉同游。勾欄中擇美妓。侑酒自譜小宴。一曲談笑自如。宴畢謂妓曰。送客留髡。大是佳話。吾不汝尤也。狂笑出門而去。至今相傳以爲談助也。

瘦玉婦某幽閑貞靜。能以禮法自持。故輒與瘦玉忤。但不事唇舌爭落落而已。以故瘦玉尤耽外遇。恆終歲不履家庭。較之肥玉。評者以爲荒唐愈甚。而不知彼固有隱衷也。且瘦玉健談更甚於肥。故性質與婦隔絕。自是拈花惹草。隨處勾留。而

所眷者一人曰龍女二十四橋明月前身也

龍女父豪於賭自號小盤龍以此傾其家女遂墮烟花籍將死遺言謂女曰汝頗得家學淵源能自振拔是雪乃父之恥也其他貞淫正變則聽汝爲之吾不汝咎吾聞日者推汝命必成巨富爲賭界之女主他日果驗則吾目瞑矣龍女泣而謹受之父既逝龍女益困頓無聊乃自廣陵流轉迄姑蘇由姑蘇徙雲間其道頗著瘦玉聞其名而趨慕焉遂訂交未幾龍女大服瘦玉自嘆勿如瘦玉遂以高足弟子爲藁砧之詠而龍女甘居妾媵每縱局爲之點籌夫婦協謀博進益不貲一時少年游冶之流黃金拋擲盡屬虛牝蓋龍女爲之也

時雙玉家已式微財產告罄兄弟初猶不以爲意及破產案既發見肥玉因與瘦玉約各樹一幟田產書籍賤值售而瓜分之瘦玉尤慷慨不肯過問以爲兄自取可耳何斷斷爲兄笑頷之仍均分析爨以爲結果

肥玉亦耽盤龍癖聞瘦玉有嬖人盛傳家學大喜親造詢焉頗服其論乃訂某日

設局能多引友人來者則推爲臨時主席得享特別權利無何局成矣肥玉大負幾傾囊不足以償瘦玉陰助以孤注於是重整旗鼓再接再厲始有起色感瘦玉甚乃謀合支此局焉豫算每月開支及諸耗費資本尙不須挹注而兩盤龍已得根據地薦紳子弟之不事誦習者輒從兩盤龍游時大吏禁網嚴甚捕輒械梏之瘦玉恐波及欲暫停局以避其鋒肥玉執不可曰豈有如吾家者尙容巡警之窺視耶子休矣毋過恐於是呼盧喝雉局勢大定

某公子者本無意於博因驚龍女之豔亦追隨局尾意圖飽眼福焉龍女知其易惑乃求爲之代壓代行公子見龍女之迎語笑容可掬不覺情動雖入局輒負不顧也不一月而所負者以萬計公子父聞之幽諸別室始得塞彼漏卮焉欲窮究然以雙玉具有勢力乃止

一日鄉人拾級升堂褐衣矮冠狀甚猥瑣衆咸輕慢之豪奴三四欲驅之外出鄉人不肯曰吾亦賭徒耳何相拒之甚瘦玉知係箇中人乃躬自招致處以上賓鄉

人。殊。不。多。遜。昂。然。上。坐。且。孤。注。甚。雄。厚。動。以。千。百。計。衆。始。驚。異。瘦。玉。知。爲。可。以。計。取。者。局。終。之。暇。特。訂。明。日。以。必。來。且。云。有。優。待。之。所。足。令。盡。歡。鄉。人。忻。允。明。日。款。之。於。精。舍。別。令。知。己。二。三。人。盤。桓。之。龍。女。蹀。躞。其。間。殷。勤。甚。至。鄉。人。大。樂。凡。三。日。而。數。千。金。入。玉。囊。矣。妻。病。亟。家。人。徧。覓。不。能。得。或。有。言。所。在。者。偶。詢。閨。人。斥。逐。甚。厲。家。人。涕。泣。而。去。無。何。妻。死。鄉。人。始。歸。僅。七。日。而。盡。取。產。業。田。契。以。至。三。日。則。又。告。竣。矣。於。是。主。人。漸。加。白。眼。鄉。人。泣。求。爲。小。夥。藉。得。餬。口。瘦。玉。與。之。約。法。三。章。以。奴。隸。畜。之。鄉。人。唯。唯。聽。命。瘦。玉。乃。使。典。器。

市。賈。某。少。年。卽。爲。金。融。業。理。事。聲。譽。鵲。起。好。與。士。人。徵。逐。詩。酒。談。讌。意。氣。豁。如。自。謂。有。雅。人。深。致。也。偶。從。友。人。至。瘦。玉。家。招。邀。入。局。戰。輒。勝。賈。人。嗜。利。且。常。游。搢。紳。家。亦。豪。舉。因。暇。則。一。往。久。之。成。習。徹。夜。溺。其。中。蓬。首。垢。面。不。恤。也。肆。主。大。懼。亟。辭。其。職。某。以。落。魄。無。聊。益。典。質。以。求。一。勝。無。如。連。呼。負。負。恢。復。何。期。妻。子。皆。啼。飢。號。寒。矣。某。不。得。已。求。瘦。玉。庇。護。瘦。玉。憐。之。且。以。其。心。計。頗。工。才。亦。可。用。乃。使。司。會。計。

他如某甲囊空則爲之任招待某乙計窘則爲之操籌算某丙技窮則爲之司筭
鑰某丁糧絕則爲之供奔走一時公門食客革履三千而養尊處優之雙玉頤指
氣使之龍女非特居之不疑儼然大家宅眷且部署分插井井有條竟如地方行
政及軍法隊伍焉以雙玉才華竭數日研究之力遂成此一時無兩之傑構異哉
博場而有此絕大經濟

於是肥玉領文德部文德部者謂圍棋象棋麻雀葉子等溫文爾雅之戲不干例
禁不事翻騙文人學士及紳商公事之暇偶爾手談無傷體制往來皆從容大雅
之倫肥玉性長厚吐屬亦名雋故令爲部長凡部中之理事各員及僕役皆歸統
屬惟百金以上之出納及修改章程則須與總領部商推此部居全局外界不畏
招搖故又稱曰前部

武功部則瘦玉自領之武功部者謂搖寶牌九番攤花會等一擲千金之戲五木
擲蒲傾家蕩產可決之頃刻間豪商巨賈紈袴子弟以逮盜賊亡命莫不趨之若

驚往來多奇人異服瘦玉敏銳有膽識故公推爲部長且兼總領部此部居全局之中故又稱曰中部

若夫所謂內部者又曰陰教部先是肥玉夫人常欲入局而以履舄交錯爲嫌且地方亦多蜚語龍女乃獻計謂吾輩宜別立一部與外中隔絕而更闢一戶以通往來則葛藤旣絕花樣翻新且女界自由誰不企慕定卜門庭如市戶限爲穿矣肥玉夫人大然之乃推龍女爲部長龍女三讓不敢受久之卒以肥玉夫人爲部長而龍女副之此間博具亦判文武大都正部長領文而副領武往來之婦女上自貴游眷屬下至聲妓婢媪無不一邱之貉兩部長皆竭力維新主張平等故部中絕無階級之說惟職員及給役者應盡受事之職務餘皆酣嬉淋漓如無遮大會如十姊妹會手帕會一視同仁任人任意之所欲爲而不加以限制焉

三部旣告成而雙玉之銷金窟爲東南第一大埠菲材薄植一入其障間身家輒不可保故不十年而兼并之戶以百數十計雙玉各擁貲至巨萬田園奴婢甲數

邑方其盛時有至奇至慘之三事出人意外者

一曰燭未燃而擲金百萬典肆十五座連宵易主晉人某者本豪富營運江浙間置別室於姑蘇臺畔生一子寵愛逾恆晉人老而告歸遂以東南所有商肆悉委諸妾夥友多西人忠於舊主累歲贏積逾於母金及子長而肆益多基本金超過百萬矣子狀秀美而實不慧讀書不能成旬年七八娶婦矣母得肝胃疾發則不能理家事然不時發因子年長遂悉以外事委之而家事亦以責婦子既無束縛又擁厚貲諸惡少趨之如蟻無何由文德部而入武功部一顯者裔某生瘦玉戚也好爲大言嗜博久與瘦玉沈瀆一氣乃與晉人子博初亦尋常馳騁繼而晉人子興益豪日哺矣出小食飲啖席間某生以語激之晉人子謂吾有典肆十五座基本金約百萬願作孤注一擲勝則汝準是償金敗則立時提交契據必不汝欺也某生嘲諧以臨之意似不信晉人子持之益堅至再四某生曰然則宜手書憑語如決鬪之生死文書始可也晉人子曰諾乃燃燭入局一擲而晉人子敗允

以。更。擲。又。敗。未。及。十。五。分。時。間。也。晉。人。子。色。灰。敗。踉。蹌。而。出。某。生。持。憑。券。入。與。雙。玉。謀。收。取。典。肆。策。明。晨。三。人。入。市。各。肆。理。事。者。皆。知。之。矣。畏。雙。玉。勢。誰。敢。加。一。語。者。某。生。乃。與。雙。玉。鼎。足。而。分。之。雙。玉。僞。謝。不。受。某。生。固。與。之。曰。微。子。吾。不。及。此。也。不。數。日。晉。人。子。母。疾。發。而。斃。年。餘。行。乞。於。市。妻。墮。風。塵。矣。

二。曰。新。嫁。娘。不。肯。登。輿。以。妹。代。嫁。而。新。嫁。娘。遂。死。於。博。某。女。公。子。者。亦。巨。族。也。聞。肥。玉。夫。人。領。內。部。時。往。游。焉。既。溺。之。遂。日。夜。不。輟。將。嫁。不。肯。返。父。母。挾。之。歸。已。星。期。前。一。日。矣。乘。夜。遁。出。至。內。部。求。入。局。龍。女。駭。曰。子。非。明。旦。吉。期。耶。女。曰。吾。不。願。嫁。而。願。博。父。母。其。奈。我。何。再。三。勸。之。不。聽。乃。入。局。自。宵。達。旦。又。自。旦。達。宵。女。家。中。彩。輿。在。著。賀。客。盈。門。而。女。杳。無。蹤。影。偵。騎。四。出。不。可。得。或。有。言。彼。嗜。賭。者。乃。輾。轉。設。法。入。內。部。促。女。返。女。若。罔。聞。衆。皆。繞。勸。終。不。起。既。而。忽。袖。出。小。剪。猛。剪。其。鬢。離。然。一。握。擲。之。曰。吾。出。家。矣。何。嫁。爲。歸。語。老。夫。人。勿。念。我。也。此。間。樂。不。復。思。蜀。請。勿。國。我。家。人。號。哭。而。去。母。聞。其。事。大。忿。怒。乃。飾。其。妹。以。代。之。夫。家。固。未。知。也。父。母。乃。

控於有司言雙玉夫婦害人事有司將逮問之雙玉星夜走京師求援於其戚屬
得不問未嫁女不敢復歸貲既罄遂爲龍女服役瘦玉因據爲妾巨族佯不知聽
其所之而已未嫁女頗悔前事求出不得卒乘夜自經死龍女藁葬之亦莫之過
問也

第三事益奇異曰父子姑嫂同一博場而彼此未曉至性命生產盡入於個中乃
已焉蓋所謂文德部者類多搢紳屬容與其間與中部本隔絕故清談游宴之場
未容俗客到此往往德望崇隆杖履優游者徘徊消遣以永今日實無礙其高尙
頤養之風也若夫武功中部則浮躁少年爲多且俗客不禁市儈喧擾九流十家
幾無不納其性質之不同若此雙玉商定制度另關門戶各成團體絕不相謀故
游前中部者彼此不相覲面雖頻年累月終不可知某紳者林下餘閒時樂與故
人二三作葉子戲然家教嚴不願以博具示後進故寧假座友人處友或聳以肥
玉所紳亦從之蓋紳意舍己家以外無可無不可也往來旣稔時或布具爲之但

卜。晝。而。不。兼。卜。夜。小。角。而。不。爲。大。敵。老。成。持。重。爲。消。遣。之。地。不。貪。勝。負。之。功。類。如。是。也。子。某。生。恂。恂。儒。雅。因。庭。訓。嚴。游。戲。事。不。敢。問。津。故。肥。玉。處。未。嘗。一。涉。足。父。亦。不。願。使。之。身。入。也。無。何。因。考。試。事。與。友。人。游。郡。中。遂。引。入。瘦。玉。所。初。猶。旁。矚。不。一。下。手。繼。乃。見。有。隙。可。乘。稍。稍。注。意。輒。勝。因。屢。往。焉。而。老。父。在。前。部。作。葉。子。戲。固。絕。不。相。知。是。猶。未。足。爲。異。也。生。妻。某。氏。者。與。肥。玉。夫。人。夙。有。姻。親。因。中。表。某。女。子。導。之。往。觀。遂。亦。成。嗜。痂。癬。焉。某。生。有。妹。亦。隨。之。往。而。某。生。不。知。也。考。試。事。罷。某。生。未。獲。雋。抑。鬱。不。自。聊。友。人。又。引。之。消。遣。然。屢。負。至。悉。返。前。此。所。博。進。而。其。數。尙。缺。倍。蓰。焉。某。生。無。財。政。權。嚴。父。不。可。與。語。束。脩。羊。瘦。安。能。肩。如。許。厚。債。然。逋。欠。既。久。必。且。踵。門。立。索。則。事。敗。矣。宛。轉。思。維。乃。決。計。出。最。下。之。策。與。閨。中。人。商。借。債。意。既。定。謂。妻。曰。吾。有。要。需。畏。言。諸。父。欲。卿。拔。釵。相。助。可。乎。妻。聞。言。似。倉。皇。失。色。曰。今。不。在。此。寧。母。後。始。得。攜。來。君。意。若。何。生。疑。其。故。推。諉。以。難。已。也。乃。負。氣。曰。大。丈。夫。終。不。致。以。涸。鮒。死。何。心。他。倪。倪。爲。憤。而。走。出。未。幾。復。反。則。妻。已。外。出。問。婢。安。往。則。曰。母。

家私出鑰視其奩具十器九空不覺驚詫曰彼豈盡儲之母家邪抑別有他故耶翌日妻返嗒焉若喪衣服忽改變金珠貴物杳然不可見某生大疑之力致窮詰妻尙以母家誘過生殊不語明日至妻母處探其耗則答以不知至是而疑益甚矣既歸以盛氣凌妻妻知事且洩然終不敢自陳某生則以己正博負無貲又遭妻氏無狀不覺大怒詰責甚厲妻氏大慚迨某生夜眠既熟投繯死某生始大悔人琴之痛不覺難堪某紳不知底蘊以爲別有事故不與窮究矣棺斂既竟勉某生以向學爲他日致身青雲計

無何某生之逋負爲期至矣多方羅掘無以償又不可啟齒以索諸父卽索亦不可得徒取大辱而不償人則人之鋌而走險者且將向老人饒舌吾何面目以對嚴父宛轉三日計窮力盡亦仰藥死

某紳止此子慘遭自戕之禍而不解其何以致此西河喪明痛悼欲絕因亦無心博奕矣一日晝寢如有所夢心慌惚不自安起坐案頭欠伸默對忽晝夾下微露

一。函。角。抽。出。視。之。則。書。絕。命。詞。幸。父。親。原。鑒。數。字。大。詫。曰。此。其。絕。命。時。親。筆。耶。展。而。誦。之。則。曰。

父。親。膝。下。兒。負。罪。深。矣。因。博。於。某。氏。而。負。力。不。能。償。然。不。償。則。事。且。破。露。謀。之。婦。乃。婦。亦。以。博。負。空。其。囊。爲。兒。詰。責。慚。沮。自。戕。兒。既。痛。婦。又。迫。於。外。債。遂。相。從。泉。下。焉。敗。名。喪。身。實。大。不。孝。不。孝。之。人。天。地。所。不。容。父。不。必。過。悲。兒。死。已。晚。肝。腸。寸。斷。不。能。復。言。

某。紳。悲。悼。之。餘。思。所。謂。某。氏。者。卽。吾。舊。游。之。地。也。何。吾。未。嘗。一。睹。吾。子。之。蹤。跡。異。哉。乃。自。往。肥。玉。處。談。笑。如。平。常。友。有。知。某。生。事。者。咸。疑。紳。之。太。忍。旣。而。紳。與。人。絮。絮。問。此。間。情。狀。或。一。一。告。之。乃。循。途。徑。造。中。部。則。賭。具。橫。陳。果。如。所。言。又。設。法。走。入。內。部。見。婦。女。之。興。較。武。功。部。尤。豪。粉。白。黛。綠。錯。雜。滿。堂。孤。注。一。周。動。以。千。計。紳。太。息。而。出。乃。自。訴。之。邑。宰。又。走。告。大。吏。於。是。緹。騎。四。出。而。雙。玉。挾。貲。遁。去。龍。女。亦。遠。從。之。或。云。馳。驅。南。洋。各。島。尙。以。博。局。樹。幟。得。巨。金。焉。

恨庵曰。雙玉奇才也。卒爲龍瘞所毒。乃轉以毒人。今其餘毒。蓋未盡焉。獨不聞滬瀆之翻戲。女總會等。猶變幻日出而已耶。

不瘋人院

東俠 嘯侯 同譯

法國之政黨員某君。居巴黎。爲議院議員。有才。不能勝異黨之傾軋。又國會表決各事。與某見不合。遂謝職歸。以自休養。時年三十二也。未娶。旣坎珂於時。自謂紅塵擾擾。旣無知我。又乏同心。不如覓世外桃源。竹杖芒屨。攜琴書避俗。而半生落。落終以宦橐無多。不能遂遠遊之志。一日。某早起餐畢。侍者遞新聞紙數頁。進某。乃坐籐椅。取一頁視之。見告白中有惟一無二之避暑院八大字。甚喜。讀其下詞曰。

本院有四大特色

一宗旨 在宏啟廣廈。藉以聯四方之風雅。俾羣集一堂。息肩數月。非純屬於營業之性質。

一位置 在卡靈西白雲山莊。去巴黎千里而遙。地名山峻嶺。曲水茂林。空氣新鮮。夏無烈日。與尋常之避暑院。仍不離市囂者。判然大別。

一內容 自房舍以至食品。各臻美備。另於院後闢草地爲廣場。瑤草琪葩。異香馥郁。可以隨意散步逍遙。

一伺應 每舍派專僕供役。外更豫選侍女。皆妙齡二八。質性溫柔。可以任意雇用。

以上僅舉大略。他不悉載。欲至者。請先通函掛號。本院當特遣專車在卡靈車站迎候。旅舍無多。幸勿交臂失之。

四月三十號避暑院主人白

於是某讀畢。拍案呼曰。天壤間亦有此避暑院耶。吾今者必一往之。以暫羈此不繫之身。念定。忽思其地奢華至此。一日之費。必中人十家之產。以吾寒士。夫豈能咄嗟立辦。以是一念幾欲斬斷去志。另爲一枝之借。而終日思維。既醉心。此告白。

之四大特色。意終不忘。乃委婉函詢。微露其經濟困難之情。函寄後二日。覆書已至。惓惓以食宿之費。不必掛懷。爲言某聞此好音。意主人必任俠好客。乃不告父兄。不謀朋友。與再約行期。束裝獨往。至卡靈見村落荒涼。市舍三四。前多僻徑。爲一小埠。役夫車馬皆無。有也。久之。一乘敝敗之車。迎面而來。車上一御者。鬚髮如蓬。已半白矣。於時夕照銜山。暮鴉歸樹。某徬徨間。見而歡迎。遽問以避暑院路徑。曰。吾固避暑院之馬夫。請君可卽登。無愆時也。某察其面色。但閃爍不定。疑非爲避暑院所遣。盤詰之。出掛號一信。某信之。乃使挈行李。已跳而坐。車上趣老人驅車行。老人故遲不前。迨天色已暮。乃疾驅。某於昏惘中。但覺四蹄得得。所過皆無人之境。約三四里。問曰。去院址近否。不答。又數里。問之。不答。如初。某探首窗外。見黑雲漸收。鉤月之下一孤館。特立四無居鄰。而後有小山。下環林木。驚曰。此危地也。欲再問。而車輪停矣。老人曰。汝可速下。自運行李入吾室也。某聞之。瞪目不知所措。老人敦趣之詞。嚴而音聲如狼。某大怒。亦狂詈曰。引人至荒僻地。并此事。又

將規避耶。此爲汝應盡之責。汝毋疑吾囊無多金。自今後會方長。若如此者。吾將舍君等去矣。老人目光炯炯。見某作憤憤狀。乃反冷笑。掀其髯。言曰。汝無作噉語。此十里以內。皆爲吾勢力範圍地。老夫卽院之主人。君休矣。無更擾吾事。某逞其怒氣。爭之。主人掉首不顧。有瘋犬十餘。自林中暴跳而出。皆毛髮長披。赤睛。鈎爪磨牙。搖尾環而爲凶噬狀。某身當其衝。震懼若失神。主人因更甚其辭。指曰。此吾畜獵犬。嚙若輩如一草。今死生之命。懸於吾口。某素負傲骨。至是乃乞憐。唯唯而已。

入門。見重樓廣舍。空洞如大家氣象。時已七下鐘。不見一燈影。亦不聞一人語之聲。大異。旋主人啟一戶。呵曰。止。此可爲汝寢室。視之。壁間蛛絲密布。中無長物。惟几一榻。一皆半新不舊。某於是凝神靜慮。思彼必爲中落戶。而設計以誘財者。吾何如償其願。傾囊金與之。因問主人。此舍金需若干。而手探其囊。主人曰。吾家藏金。尙可支十年。汝第順從吾令。此不必也。某心滋勿信。而不敢爲。後言卽手拂案。

塵向主人索取一燈略作休息主人告以餐食之所并與約法三章皆所以爲取締者某跋涉長途又受劇烈之勞勩此時已飢腸轆轤不得已委迤至飯堂忽見內一女有絕色而麗某遽前問曰汝爲侍女耶女搖手止之且低聲曰我非侍女我亦爲所給而來請謹防之得間當詳語君也某如夢初醒欲復問而女已入主人亦追蹤至疑兩人或有言切責某謂吾院中男女有別後勿與女通一語某諾之而心益不寧是夜孤燈獨宿思世情詭祕政海風雲旣愈變愈幻而青天白日之下又不虞有此黑暗地獄旅愁客思百感俱來明日某起而室門爲主人加鎖未啓至日酣乃得一出自此每日以爲常某下車後見種種情形皆離奇之尤思惟求女所在問之或可知顛末而一念又恐女爲同黨搔首問天不知究如何而可是日下午主人閉外戶復一鞭往車站某諭之悄然行各室仍無所見少頃至廚下見女駭曰不慮爲主人覺耶某告之且曰昨蒙子垂憐未聞其詳請語我可乎女問某來時之事知某爲巴黎名士乃嘆曰今以簡短之語告君吾之來以養

疴。爲。名。實。多。隱。衷。孰。意。言。不。副。實。一。失。足。無。異。鼈。入。甕。中。永。永。不。見。天。日。當。吾。至。之。始。主。人。欺。吾。荏。弱。凌。虐。更。甚。於。足。下。吾。百。端。將。順。彼。始。改。其。野。獸。之。性。與。吾。約。曰。汝。嬌。養。深。閨。尙。不。知。足。欲。更。藉。避。暑。覓。友。尋。歡。在。理。當。受。天。之。罰。今。爲。吾。司。庖。廚。以。十。指。及。勞。力。自。求。餬。口。吾。故。富。家。女。何。嘗。習。烹。飪。之。事。祇。念。速。死。不。如。苟。活。故。日。夕。在。此。間。爲。傭。婦。以。妾。命。薄。蒲。柳。之。姿。死。不。足。怨。顧。君。在。盛。年。英。氣。凜。然。將。垂。鷗。鵬。之。翅。以。迴。西。海。之。波。亦。不。幸。致。於。死。地。此。老。倔。強。恨。無。力。以。脫。此。阨。也。某。泣。下。女。亦。泣。久。之。某。曰。袖。手。待。斃。終。非。計。盍。設。法。以。寄。書。者。女。大。反。對。曰。檻。穿。餘。生。豈。尙。有。書。信。之。自。由。試。觀。此。間。自。彼。一。主。人。外。尙。有。他。人。否。耶。重。門。深。扃。若。待。獄。囚。以。彼。殘。獷。豈。樂。爲。寄。書。之。郵。卽。寄。之。亦。必。不。令。吾。等。昌。言。其。短。吾。曾。作。一。書。彼。見。之。幾。立。戕。吾。也。然。則。彼。一。而。我。與。汝。共。二。人。結。袂。以。逃。或。庶。幾。可。免。此。患。乎。曰。君。誤。矣。彼。有。獵。犬。晝。夜。伏。林。中。梭。巡。甚。嚴。若。非。主。人。在。而。見。人。者。必。嚙。之。昔。有。一。旅。客。亦。爲。避。暑。而。至。且。飽。犬。腹。矣。君。慎。毋。冒。險。上。帝。有。知。必。不。令。余。等。久。陷。檻。

牢中也。某慘傷不已。復曰。吾二人已矣。然逆料後來者實繁。有徒不早於死中求生。則彼多一坑陷。卽增吾兩人之罪。吾意惟同謀協力。先以暗殺之手段。乘間仆之事。之克濟。幸也不濟。則亦拚死耳。女止之曰。不度德。不量力。而行僨事實。多今彼雖一人。身有手槍。膂力絕倫。搏之必不敵。徒死無益。計無有左於此者。某偉女論回念以前種種。皆失諸過激。卽今昨之在此室處。亦有以自取躊躇。問犬吠之聲。隱隱自戶外入。二人匆匆而散。可三分時。主人歸矣。攜兩旅客。似夫也。婦者入門。其處置一如某。夜間集某與夫婦堂上。施嚴肅之令。先問某何能。曰。吾來爲避暑。實無能者。主人大慍曰。人生世界。各有天職。豈容汝一人不勞動而食。汝須知富貴之家。錦衣玉食。唾咳興雲。生無補於時。皆世界之蝨賊。而尙不自愧。每喜掉三寸之舌。顛倒黑白。此輩清流。可投濁流。汝果無能者。吾必立殺汝。言次。聲色益厲。某見之計違。命者殆矣。乃曰。我善屬文。先生有書信簿記之事。必能效。力曰。汝不聞耶。文字作天雨粟。鬼夜哭。吾最惡文。不用汝。舐紙弄墨。搗藻揚芬。以消磨吾。

院中之歲月欲生者必更思其進某自語曰怪哉彼之告白及覆書是何人所作而倒行逆施豈彼亦憤世嫉俗者耶然吾既受制於人奈何思久之乃曰彩色畫如何主人意此爲美術之一乃點頭命以若干日畫牆壁必滿更顧問二人責其至後園灌園且令夫婦異居勿復相見

歷浹旬此黑暗之避暑院來賓日多主人之出迎時必以日暮至者咸授苦役或禁錮之哀號毒詈之聲所不忍聞顧外無救援人各深居若處狴犴莫能發難惟某在庭戶之間施朱塗赤終日從容得與女時爲私語覘主人之舉動某日主人遍扁各舍有事出戶外女曰時急矣不可再事姑息吾昨思說部書中有一客挾重貲遠遊遇仇人攫其金而幽諸一室室在河上流客乃拾木片書其情密投河中木浮而下見者以告其官遂遇救今此後阻山爲險雖巖崖峭壁峻不可登然山下一澗實繞在牆外吾日汲水於此觀其流甚急若作書以投亦萬死一生之計某難之女意甚沮喪謂屈指來日已逾月矣以彼居心必不令吾等長此終古

於是二人目擊心傷慨然以全體存亡爲任各默禱上帝喃喃不絕明晨忽雷雨大作頃刻之間澗水暴漲數十丈力逐亂石勢若千頃之波女喜曰可矣以告某并竊取主人白蘭地及葡萄酒瓶各一傾酒於地中納急書其詞曰

君等見惟一無二之避暑乎此告白登諸四月三十號各新聞昭彰衆目詎意主人包藏禍心專爲引誘士女塗炭生靈所行與所言適爲絕端之反對吾等無先幾之智自陷虎穴旬日以來親見瘼斃及槍擊以非命死者無慮十數奔竄無由呼號莫聞今存者十餘此日之尙存不知明日之卽亡拾吾書者尙希從速鳴官則天兵旣臨吾等可重覩文明不爲溝中之瘠主人身短而肥目赤面凶他無所長惟三面林中畜有瘋犬皆狡捷無倫可限戎馬之足兵來須先斃其犬後搗巢穴計之上也匆促告急不盡萬一

書畢另署副本亦納諸瓶中而封識皆如其舊密踰牆置澗水水急逐瓶而下須臾不見女知其或有效也

三日。主人檢點院中。有二十四人。適符其所定額。既喜其盛。又懼其人多。則易生變。乃召集全體。至飯堂開會。自爲議長。高張其手槍示衆曰。若等各毋動。余乃國家貴族。福特史邸侯爵。平居喜作威福。役使人類如草芥。之不相惜。於是議院中諸議員。常彈劾我。非禮妄爲。迹似瘋癲。應褫爵。置瘋人院。奪吾自由。當時我襲祖父之蔭。聲勢烜赫。謂此輩之攻擊。如以卵投石。必無效者。後吾染神經之病。朝庭過聽流言。竟下奪爵之令。余憤激甚。卽遷怒昔日之謗者。願言論不一。莫從發難。遂訪求瘋人院之章程。知瘋人院者。乃羣收衆瘋人而處之一。所以不瘋人爲其監督。甚慘。無天日。余乃異想天開。思瘋人之名。皆出於個人之指摘。瘋與不瘋。孰實能辨。彼既有瘋人之院。吾何不用取締瘋人者。建不瘋人院。以一爲瘋人吐氣。願上有老母。性情恣睢。故甫解組綬。又阨家庭。一時大願難償。良用鬱陶。迨上年家屬已盡。我乃卽此別墅。大爲經營。今吾假避暑院之名。號召君等。幸皆入吾計中。濟濟多士。一堂薈萃。此不瘋人院已爲成立。吾亦不暇多言。且不暇多與汝作。

無。謂。之。周。旋。蓋。吾。知。若。輩。來。者。安。食。已。慣。終。未。能。習。勞。不。如。卽。驅。鬼。錄。以。了。吾。願。
然。餓。死。吾。不。樂。見。以。甚。可。厭。也。殺。死。吾。亦。不。樂。多。用。武。以。殺。人。之。事。爲。吾。貴。族。所。
司。空。見。慣。嘗。憶。歷。史。有。一。昏。君。使。凶。狗。吃。活。人。此。一。劇。必。甚。可。觀。且。吾。門。外。畜。獵。
犬。吃。活。人。亦。最。歡。迎。今。數。日。未。得。人。吾。將。飼。之。而。與。寓。目。焉。何。如。言。已。主。人。拍。手。
大。笑。衆。泣。下。如。雨。或。思。爲。困。獸。之。鬪。而。怖。其。威。主。人。又。曰。可。恨。汝。等。無。用。此。句。曰。
間。但。略。親。職。務。已。皆。十。分。消。瘦。恐。未。足。飽。吾。犬。也。言。次。乃。探。其。懷。取。一。號。叫。將。吹。
而。犬。吠。之。聲。已。猖。然。起。林。中。少。頃。槍。鳴。犬。聲。止。矣。主。人。立。變。色。趣。而。下。階。忽。見。數。
十。兵。士。各。執。排。槍。踰。牆。入。有。諭。爲。院。主。者。連。發。數。槍。洞。中。其。腰。腹。而。死。更。令。於。衆。
曰。無。畏。固。爲。若。輩。來。也。衆。稽。顙。若。崩。厥。角。問。曰。僕。等。身。臨。水。火。盼。天。威。久。矣。未。識。
彼。以。一。人。何。敢。祕。密。作。威。福。如。是。一。隊。長。謝。曰。使。君。等。勞。苦。皆。鄙。人。治。職。無。狀。是。
院。本。爲。彼。爵。邸。以。彼。有。心。疾。奪。爵。纔。一。二。年。不。料。其。疾。益。深。大。演。此。殺。人。之。劇。於。
是。各。陳。其。來。時。之。歷。史。或。歌。或。泣。擾。擾。半。日。如。鳥。獸。散。而。某。與。女。獨。不。言。其。功。旋。

二。人。爲。夫。婦。是。院。沒。爲。公。園。發。藏。金。得。數。十。篋。此。事。曾。見。諸。某。西。報。蓋。主。人。亦。盜。而。瘋。者。云。爾。

蓮孃小史

前 度

蓮孃。逸。其。姓。姑。蘇。臺。畔。之。官。家。裔。也。毓。孕。時。父。爲。蓮。花。廳。司。馬。故。小。字。阿。蓮。阿。蓮。之。名。婢。媪。不。敢。呼。呼。以。蓮。孃。蓮。孃。秋。水。爲。神。玉。爲。骨。芙。蓉。如。面。柳。如。眉。凌。波。洛。神。不。能。擬。其。豔。渡。江。桃。葉。不。能。喻。其。媚。玉。立。亭。亭。有。瀟。灑。出。塵。之。概。性。愛。花。凡。酴。醾。薔。薇。海。棠。金。雀。之。屬。靡。不。手。植。牆。腰。堦。砌。殆。遍。春。葩。秋。豔。繁。麗。若。錦。城。以。己。名。蓮。尤。愛。蓮。成。癖。嘗。取。隔。歲。蓮。子。蒔。小。盞。中。置。諸。棗。花。簾。底。每。當。惹。珠。胎。碧。花。放。如。錢。日。與。此。解。語。之。花。偎。傍。於。妝。奩。鏡。檻。風。開。笑。盤。煙。展。眉。顰。人。影。花。光。幾。復。不。能。自。辨。

蓮孃。既。芙。蕖。清。豔。更。具。冰。雪。聰。明。凡。書。一。經。寓。目。卽。印。入。腦。蒂。深。固。弗。忘。年。十。三。卽。舉。十。三。經。學。作。文。揮。毫。落。紙。灑。灑。千。言。教。以。韻。學。又。琅。琅。上。口。半。月。卽。工。吟。詠。

芊綿清麗傳誦名流好爲宋元詞曲輕圓柔脆逼真漱玉遺音粉盞脂奩芸編雜
置湘簾棐几時逗書聲顧以舊學鈔實用遂入學校肄業佉盧文字九宮算術罔
弗研究極精程度驟升超躋高等青出於藍冰寒於水教習深折服之司馬公喜
曰此吾家掃眉才子也使今日若廷試女學生彼某科舉人某科進士之徽號眞
取之如拾芥耳蓮嬈莊然曰兒意殊不如是怪詢其故蓮嬈曰兒第願爲愛國之
蘇菲亞不願爲南朝之女博士也司馬公大異益視之若掌珠
無何風燭淚殘蓼莪詩廢淒風苦雨僅遺此孤雛寡鵠脚恤茹哀隙駟不留旣虞
卒殯蓮嬈仍赴校修業已而以最優等畢業矣顧蓮嬈雖生長綺羅叢中毫無脂
粉嬌矜習氣生平不解勢利爲何事遇人則無貧無富一視同仁卽臧獲亦御之
若平等惟是豔於桃李清於雪意凜如也蓮嬈旣學貫中西融通新舊以是睥睨
一切痛中國女權不張雖近年女學如林而求一羅蘭批茶之儔杳乎難得惟新
茶花茶花第二之類時有出現爲可慨也又視世界上男子皆濁物謂吾國數千

年。來。夫。婦。道。苦。苟。遇。人。不。淑。新。繾。故。素。亦。難。盡。其。隱。痛。以。是。蜂。蝶。使。雖。縈。繞。於。門。而。蓮。孃。輒。不。報。可。母。氏。戲。之。曰。吾。兒。視。天。下。迄。無。良。匹。豈。竟。欲。以。丫。角。終。耶。女。亦。孀。然。曰。兒。何。敢。執。不。字。之。見。貽。親。憂。特。物。色。難。耳。且。母。不。見。近。時。報。端。載。泰。西。有。六。十。餘。歲。始。行。結。婚。禮。之。新。婦。乎。婚。姻。貴。自。由。不。自。由。毋。寧。死。

銅。雀。春。深。小。喬。未。嫁。閨。中。少。婦。不。解。春。愁。時。而。班。管。臨。池。學。簪。花。之。格。時。而。起。舞。清。影。唱。踏。月。之。歌。逸。興。遄。飛。予。懷。渺。渺。桃。花。源。裏。廣。寒。宮。中。恐。無。此。雅。人。深。致。也。一。日。蓮。孃。春。睡。初。覺。攬。鏡。畫。眉。顧。影。頻。頻。正。在。憐。我。憐。卿。之。際。忽。憤。然。作。色。曰。吾。何。事。以。金。錢。寶。貴。之。光。陰。日。加。修。飾。以。虛。擲。諸。梳。妝。臺。畔。調。鉛。傅。粉。甘。心。爲。彼。男。子。之。玩。具。乎。嗟。乎。吾。往。日。寧。非。墮。入。五。里。霧。中。而。不。自。覺。也。幸。迷。途。其。未。遠。知。今。是。而。昨。非。吾。安。可。長。此。不。變。從。此。鉛。華。不。御。膏。沐。不。施。淡。掃。蛾。眉。自。成。馨。逸。而。天。生。麗。質。光。豔。更。倍。於。曩。時。

荳。蔻。含。葩。葳。蕤。自。守。蓮。孃。蓋。已。織。素。年。華。矣。有。東。海。王。孫。者。貧。而。才。與。蓮。孃。爲。中。

表親金張戚畹時一過從生則范庫胸羅蓮嬈更謝家才豔往往倚窗角藝煑茗
 質疑誼屬通家不妨稍弛形迹矧蓮嬈豁達大度且復引爲膩友烏有如小家碧
 玉瑟縮羞人之態獨是耦俱無猜傳情自在阿堵心潮意電已如靈犀一點暗暗
 相通矣東海生欲爲涉江之采因先以詩探其意且索丁娘之和詩有尋芳院落
 靡蕪地選夢池塘菡萏天又前身似爾原明月後夜相思只曙星之句蓮嬈得詩
 悵觸彌目悄坐紅窗手拏珠箔驀然似有所感於是研烏鰂擘霜箋援筆而和之
 有風露幾番憐獨立星河昨夜爲誰低之句生盥薇莊誦默喻其旨籠以碧紗藏
 之什襲遂託蹇修以將意母大怒曰靡論葶苈之嫌於理不可且措大酸子妄想
 以鴉羣逐鳳寧非咄咄怪事斥不許久之蓮嬈始聞意良不懌歎曰婚姻之制不
 聽兒女自由此弊不除正不知多少紅顏自嗟薄命而化作香閨夢裏人也自是
 厥後蓮嬈居恆兀兀翠黛緘愁萬疊雲山都併作心頭幽恨有時憶及往日唱酬
 則更揉碎芳心惱恨春光之漏洩

雙丸跳盪容易年華有某生者東洋留學生也年少翩翩風流蘊藉既美且富未
 免驕人偶拾西學之皮毛詡詡然卽以新少年自命愛國之誠溢於言表啓發民
 智改良政府之口頭禪時時掛諸齒頰願以選色頗苛尙爲無妻之牧豎
 鮭菜鶯花良辰三月踏青士女聯襪如雲一日遇蓮孃於某氏園中邂逅芳姿神
 經俱顫風光撩亂春色迷人意馬蹠弛幾如詹天游之魂銷真箇時時願對玉人
 撩以傳情之眼角蓮孃已覺亦不期低垂粉項紅暈梨渦心中憤謂是兒目灼灼
 向我作此怪現狀狂且之醜態盡露矣倦游而返了弗措意某生歸詳敏家人知
 蓮孃猶作羅敷之待字爰託雉媒乞婚於母母私念今日外洋留學生一經廷試
 便爾登仙前程殊未可限量況復多財善賈卽欲犇走終南門徑亦無慮運動之
 無貲將來快婿乘龍大足爲門楣光采於是示意蓮孃蓮孃搖首曰彼紈袴家兒
 郎特情慾中人非道德中人也彼烏知有學問外觀有耀實中虛耳雖然彼智巧
 而多金必富貴第富貴如浮雲良非吾所願五花冠誥一品夫人吾無偕大福澤

能消受母大怒曰癡兒彼家錦衣玉食何求不遂天與勿取更從何處能覓此如意郎君我固不欲汝之爲嬰兒子而養我以老也

母命難違婚成怨耦家庭壓制蓮嬈固無可如何也然竟絕口不談此事惟日嘸夫歐化東漸婦德日壞女界種種可悲可駭之怪現象日接觸於眼簾不禁憂從中來嘗謂女子必學問與道德兼具斯足爲國民之母今日日金絲鏡足吉莫靴貌文明而實破壞道德者反不如當日之女子無才便是德耳每當夕陽欲墜餘霞滿天則擇幽蓊之區珊珊獨步以吸新鮮之空氣時長吁時短歎不知者以爲有女懷春而孰知蓮嬈傷心人別有懷抱也蓮嬈旣慨然以開通女界爲己任益殫精研究各科學矻矻窮年容光因而消瘦其母止之蓮嬈曰所貴乎人能有益於世耳若僅此數十寒暑悠悠沒世蛻此臭皮囊還與草木同腐不亦有忝所生乎我身已作等閒看吾固樂此而不疲也

曇花易萎璧月恆虧無何蓮嬈之病作矣春色飄零香桃骨損腰肢日以纖豐頰

日以削藥店飛龍盧醫無效蓮孃臥病在牀已如水面殘荷經秋零落乃仰天長歎曰天乎吾將長此終古乎慷慨激昂淚如珍珠之離索婢女皆莫能仰視百兩將御秋以爲期結婚之候至矣蓮孃方在病中不能成禮兩家日望其痊一日蓮孃掙扎握母手而言曰兒不幸蚤傷孤露惟老母是依而今已矣惟念骨肉無多兒竟中道夭折不能奉侍老母以終天年悠悠蒼天曷其有極願母勿以兒爲念言至此哽咽不能成語嗚呼文鴛影散湘娥之夢長離彩鳳身飛錦瑟之年隔世而此絕少之佳人已作離魂倩女翩躚跨鶴而去惟餘月轉空閨風搖白柰落葉微響秋蛩哀鳴而已

巫風記一

不才

湖南某縣僻在萬山間俗信鬼而尊巫蓋苗風也某甲者夫妻子婦皆業是男曰覲女曰巫別某甲爲大覲子爲小覲甲妻爲大巫子婦爲小巫大覲幼本家傳飽經閱歷故其行益工凡有冤魂爲厲及其他奇病等最棘手者大覲始去餘如解

釀妖星。祓除疫癘。不祥等。則大巫能爲之。跳神搶神符籙治病。則小覲招魂懺悔。腹語降神。關於女子事者。則小巫四人。各有所長。以難易爲階級。凡巫術皆備。故求請者踵相接。幾有山陰道上之勢。居人迷信最盛。尊其家爲神宅焉。有布商某者。年四十餘。止一子。愛若掌珠。忽染怪病。平時飲食言動無異常人。疾一發。卽不可睹。日光雖燈火之光。亦不能寓目。惟重帷疊帳。黑闇不辨面目。則摸索中飲食舉動如常人。若偶一照曜。則體立殭。撫之幾冰矣。語氣尙僅屬以是知其不死。撒燭息燭頓形活動。每月發二次。或三次。發輒以三日爲度。不發時固了無異人處也。布商以舐犢愛苦之人。皆嘖嘖曰。鬼疾乃求大覲。大覲曰。此無足異。吾兒一往已足矣。小覲旣至。問病者所在。秉燭以試其怪狀。果驗。小覲曰。此有物憑焉。殆耗子妖也。吾將以神符治之。然必大陳牲醴。舉旃檀寶炬等物。以資吾輔。以焚鑷及紙幣帛。若干費雖多。苟獲請於神。病必霍然。且可永絕。後患布商夫婦信之。設壇致祭。惟所欲爲。及期小覲乃行跳神術。其法設祭於壇。牲醴告備。戒孕婦雞犬勿

近親屬觀者亦以所圈地爲限選擇童男女各十八人合卺有六分侍壇側執三角旗小而色黃若孩穉玩物然事作童男女又各擊小鼓唱迎神曲吹螺鳴若塞上箛其音悲慘約炊許小覲忽傴傴舞顏色變異須臾仆矣地上鋪紅氍毹潔無纖塵仆者如臥草茵上旋即躍起則目閉手舉狀至可怖忽又仆矣凡三躍三仆乃昂然上坐不復仆此時眉軒目動夙殊常態手捉令牌擿案大聲作神語飭將擒魔鬼來必有童男女中一二人噉然應亦玉山頽矣旋躍起則令牌擿案聲又起如問官之審訊獄囚者問何以崇此怪求寬宥神不允久之始責以遠逝妖哀告乞憐良久而童子醒神下座而仆迨醒則依然一小覲耳索杯水入手以指書空旋繞作蚯蚓狀尋止卽舉杯水給主人曰此神惠也飲病者沈疴立愈主人奉之果視爲續命湯至也小覲始收拾布具從容而退問其所獲酬則已三十金矣病殊無愈理布商夫婦大感乃更求諸大覲若爲健忘也者復詢名姓更作寒暄布商述及前事則皇然曰今可愈矣子歸速按此圖設壇位吾自遣人夜

近親屬觀者亦以所圈地爲限選擇童男女各十八人合卺有六分侍壇側執三角旗小而色黃若孩穉玩物然事作童男女又各擊小鼓唱迎神曲吹螺鳴若塞上箛其音悲慘約炊許小覲忽傴傴舞顏色變異須臾仆矣地上鋪紅氍毹潔無纖塵仆者如臥草茵上旋即躍起則目閉手舉狀至可怖忽又仆矣凡三躍三仆乃昂然上坐不復仆此時眉軒目動夙殊常態手捉令牌擿案大聲作神語飭將擒魔鬼來必有童男女中一二人噉然應亦玉山頽矣旋躍起則令牌擿案聲又起如問官之審訊獄囚者問何以崇此怪求寬宥神不允久之始責以遠逝妖哀告乞憐良久而童子醒神下座而仆迨醒則依然一小覲耳索杯水入手以指書空旋繞作蚯蚓狀尋止卽舉杯水給主人曰此神惠也飲病者沈疴立愈主人奉之果視爲續命湯至也小覲始收拾布具從容而退問其所獲酬則已三十金矣病殊無愈理布商夫婦大感乃更求諸大覲若爲健忘也者復詢名姓更作寒暄布商述及前事則皇然曰今可愈矣子歸速按此圖設壇位吾自遣人夜

點。落。一。處。霎。時。燈。燭。盡。明。道。姑。仍。仗。劍。執。杯。居。中。而。立。小。覲。乃。呼。主。人。至。詔。之。曰。
 爾。子。爲。妖。星。所。崇。今。用。禳。解。法。星。恙。十。去。七。八。矣。明。日。仿。此。設。備。更。一。行。之。則。疾。
 立。瘳。矣。主。人。唯。唯。莫。敢。誰。何。大。巫。挈。其。子。從。容。而。去。明。日。又。至。所。施。術。如。昨。既。畢。
 主。人。曰。愈。乎。大。巫。曰。愈。可。勿。疑。然。兩。日。勞。金。爲。梵。天。羅。漢。數。幸。解。囊。相。助。勿。固。却。
 也。主。人。本。慳。吝。者。至。是。動。輒。數。十。金。正。躊。躇。間。婢。媪。報。病。者。已。出。顧。瞻。如。平。常。且。
 命。速。謝。神。仙。兒。今。愈。矣。婢。媪。皆。失。笑。大。覲。益。驕。矜。立。索。重。酬。累。增。至。百。金。始。邈。迤。
 出。門。去。然。不。三。日。而。病。者。忽。又。發。他。疾。譫。語。喃。喃。神。思。瞽。亂。布。商。大。驚。不。得。已。又。
 犇。告。於。大。覲。大。覲。曰。是。誠。非。我。莫。能。矣。姑。從。爾。往。視。之。既。至。則。戶。庭。井。竈。俱。言。有。
 犯。煞。處。最。後。指。一。木。柱。下。蹙。額。而。言。曰。此。中。有。魔。物。苟。不。除。禍。未。已。也。然。欲。除。之。
 非。毀。是。屋。重。建。不。可。布。商。因。新。築。輪。奐。有。難。色。大。覲。曰。子。姑。在。是。柱。下。設。祭。吾。夜。
 至。有。術。可。驅。之。布。商。唯。唯。大。覲。既。去。家。人。皆。影。響。附。會。以。爲。夜。間。時。作。怪。響。或。云。
 紅。袍。白。鬚。者。躑。躑。堂。中。人。逼。之。輒。沒。於。是。柱。下。無。怪。大。覲。有。是。言。也。布。商。亦。慙。然。

有懼色。迨夜大覲至。禹步誦呪。神采不凡。忽變色却步。燈燭盡滅。窗外鬼聲。魑魍主人及親賓皆抱頭竄散。或駭極不省人事。迨衆漸蘇醒。則大覲植立堂中。燈燭照耀如故。一老媪言聞其大聲呼斥有鬼聲。如泣不可辨。最後聞老神仙許其懺度。始寂然。主人信之益堅。老神仙者指大覲也。時主人始整衣冠登堂。大覲事良已。顧謂主人曰。此魔殊不與聞。爲崇者乃別一鬼。自言前生爲婢。爾子爲主母。任意虐待。卒罹其大杖。誤中要害。以死。彼時主母之令恆閉婢於黑室中。且令作工不及格。則予杖。或竊燈燭。則亦予杖。未嘗寬宥。及死時。時思所以報。然雖得請於帝。而主母恃主君福祚終身無隙可乘。今生爲公嗣。祿命亦殊豐厚。故止以不見光明。苦之前。此神力驅逐不得已。始遁去。今聞公私一寡孀。乾沒其貲。天譴陡加。或且絕嗣。故敢大肆其毒。必制命而後甘心。公若不亟自挽救。恐無及矣。布商聞言。五體投地。顏色灰土。額上汗珠大於戎菽。蓋其事殆非子虛也。自白無狀。神仙尙許懺悔。否。大覲曰。某祠已頽。某廟已毀。汝能修復之。此其一。施舍飯僧。購神符。

神藥若干救人此其二。焚鏹幣若干億兆此其三。三者缺一不可。子願之乎。曰願。乃立取白鏹金幣若干悉付大覲。曰願爲吾兒贖命。大覲又向空作問答狀。語如鳩舌不可解。良久曰鬼幸。緩頰此等善舉鬼得之可超生樂土也。布商大喜。大覲從容歛金去。反問病者病者姑妄應之。曰果一女鬼今不見矣。老嫗又從旁解之。曰神仙爲汝驅去。第凝神安睡。明日必愈也。病者曰諾。時病者蓋舞勺年齡耳。布商益信之。以爲大覲之技果神也。不數日病少間矣。大覲忽過布商家呼而語之。曰爾柱下魔火祥也不除必兆焚如。除之非數百金不可。布商難之。大覲不顧而去。家人聞之大感。鬻聚而噪。曰大覲神仙也。奈何違之。布商終以多金不果從。一老嫗者佃人母也。慫恿交至。卽前此聞鬼語者。布商弟某讀書爲童子師。持孔子戒不信鬼神力撓其議。居無何老嫗言夜起洩溺見屋上有紅鬚赤袍者五人持大尺徧量屋宇下有衣冠或短褐者數十人頓首不已。五人殊不顧。予駭極而嗽。忽無所見。是必火神也。宜速延大巫禳解。布商不得已果踉蹌入大覲家求禳解。

大覲掉首不允。至長跼終不許。布商乃舉十金置其几案。而出夜至家。惴惴焉恐。言之驗。持燈細視門隅。竈角殆徧一雞。忽夜鳴。布商大懼。立起持辱斗注水灌之。以爲無患矣。夜將半。老媪大呼。火起。火不知所自來。滾滾已盈廚。爨延及房櫳矣。布商與其妻裸而出。猛憶子睡廡下。亟往呼之。佃人負之出。則已驚悸不能語。夫婦相抱大泣。火既燼。新築之室爲瓦礫場矣。積蓄既空。而老媪者不知所往。佃人求母得餘燼。以爲骸骨。大哭不已。布商乃貨其田以慰之。且別結茅廬以棲止焉。自是雖有田數頃。而蓋藏如洗。日夜愁怨。無何子又以驚悸死矣。弟以大覲之言必驗。頗疑焉。集同志之友語以故。友黃生者宦裔子也。其母亦信巫。因言大巫常來作禱。祈事吾心銜之者屢矣。欲有以懲之。子能助我乎。布商弟欣然曰。可。黃生乃僞抱恙。布商弟至其家問疾。適生母語及巫。布商弟力贊之。且以必致大覲。夫婦爲上乘。生母因出重金要之。覲巫夫婦果至。布商祭設壇。一如布商家狀。而兩其處。蓋男女異宮也。及夜施術矣。燈燭既滅。忽大覲呼聲如牛喘。諸戚友皆竄散。以

爲鬼力兇悍莫敢過問也。大巫室中亦然。旣而音銳利慘若被創之豕。衆終遠竄不敢近。久之無聲。衆猶憚於幽怪不敢試窺也。且凡燈燭滅後必待其自明。巫覡有呼召聲。主人始可入。是以持規例相待約四鼓矣。尙寂然。燈燭亦終不復明。主人親友皆驚異。聚議良久咸以爲必俟天明否則無一人願入地獄者。未幾東方白矣。一健者挺身欲入。試伏窗而窺。不見動靜。轉念不覺毛戴瑟縮。卻步卒退出。糾衆乃入。則大覲橫臥地上。黃泥塗澤。面目殆徧口耳皆墜。塗頸間有青紫痕。大巫狀相類。并褫其衣。私穢皆見。兩人俱赫然冰矣。主人大驚。以斃於鬼。告其家。小覲及小巫奔至。見尸狀疑有人害之者。報有司。檢視焉。亦以爲係搯吭死。然終以鬼斃成疑案。且事無佐證。莫能成讞。捕主名也。棺殮而已。生家贈卹以百金。小覲亦無辭而去。久之小覲術拙益貧困。而小巫妖媚頗爲人所請求。一日布商弟以悼亡侘僚欲邀小巫招魂。一詢死後情狀。人以爲彼情切。不拘守昔日之無鬼主義矣。而小巫頗自矜重。不肯遽降。因餽以重金。逡巡始至。見家止有男子。赧於奏。

技。又。欲。辭。去。布。商。弟。固。強。之。小。巫。不。得。已。始。袒。裼。鼓。腹。蓋。出。其。腹。以。示。語。之。所。自。出。也。須。臾。欠。伸。欲。睡。布。商。弟。正。容。而。坐。不。稍。睨。視。未。幾。腹。中。語。聲。噏。噏。然。則。鬼。至。矣。布。商。弟。與。聚。闊。別。淚。隨。聲。墮。意。漸。昵。褻。初。猶。撫。摩。繼。而。狎。抱。終。且。現。身。說。法。矣。小。巫。大。號。而。起。厲。聲。嚶。責。且。曰。吾。羅。敷。也。爾。敢。如。此。無。禮。耶。布。商。弟。大。譁。辯。以。爲。吾。自。與。荆。人。敍。舊。耳。爾。時。心。目。中。固。未。嘗。有。他。人。也。爭。辯。不。屈。小。巫。乃。邀。其。夫。至。將。大。興。問。罪。師。布。商。弟。亦。以。前。言。白。衆。衆。莫。能。難。小。覲。夫。婦。大。慚。而。去。自。是。小。巫。不。敢。獨。行。售。技。矣。

贛。之。洪。都。雖。亦。一。都。會。而。郊。垌。間。迷。信。最。盛。有。業。太。子。廟。祝。者。貌。似。道。士。而。實。巫。也。專。恃。太。子。爲。人。治。病。名。巫。而。又。實。近。醫。太。子。廟。徧。於。村。落。凡。百。家。之。聚。必。有。之。廟。淺。隘。僅。兩。三。楹。如。吳。越。間。里。社。神。像。面。白。作。微。笑。狀。身。甲。而。頭。盔。儼。然。一。少。年。勇。將。演。劇。中。所。見。趙。雲。薛。仁。貴。等。頗。相。類。左。執。小。旗。右。按。長。劍。不。知。其。何。所。取。義。也。其。治。疾。有。輕。重。二。法。輕。則。施。水。或。土。以。爲。神。方。飲。服。或。敷。抹。卽。愈。重。則。必。以。爲。

有鬼附身。非搶神。不可然。搶神有愈。有不愈。惟某廟。一廟。祝年三十許。狡黠甚。工其術。獨神。凡彼所搶神者。無不愈。又姘一村婦。隱若伉儷。亦智巧。過人。聲言太子有妃。宜肖其像。可爲婦女治病。村愚皆翕然信之。由是他村皆越境求醫焉。村農某頗有所蓄。多收十斛麥。便稱富豪。鄉井皆知之。妻忽攫危疾。聞某廟搶神。獨異有太子妃爲婦女治病。乃特往求焉。村婦索金倍蓰。始許之。因言太子出神所昇之轎。乃敝篷爲之。今太子妃之轎。則錦幃垂帷。流蘇四注。蓋煖。轎也。昇者必八人。故其價較昂。村農唯唯。遂先歸。旣而果有八人肩輿。抵其家中。有泥塑美婦人約三尺許。宮裝珠冠衣飾。華富。村婦亦乘一小輿。隨於後。至則大呼響。轎至矣。響轎者以竹爲楨。貼轎壁之際。隔以鐵片。行則格格有聲。以爲足以驚邪鬼也。凡過橋梁。必疾趨以爲免。水神及橋梁之神。參見也。村婦旣至某農家。以太子妃供於堂上。則燈燭香紙。先備已久。村農酌酒獻牲。炷香焚紙。然後長跽叩首。約數巡。乃誦口經及神號。宣告病狀。并祈禱。速愈等詞。旣畢。供養至夜深。村婦始出。招前昇者。

至。仍。以。八。人。舁。神。像。出。至。曠。野。平。林。間。前。後。執。炬。者。須。十。餘。人。多。多。益。善。大。都。皆。鄰。里。之。相。投。洽。者。盡。義。務。也。或。漫。遊。好。事。亦。願。附。焉。既。至。野。外。擇。墟。墓。所。在。地。舁。神。像。盤。旋。三。匝。衆。皆。大。呼。意。謂。病。者。之。魂。輒。爲。墟。墓。間。所。羈。絆。必。以。神。力。及。人。之。陽。氣。驚。醒。之。使。躍。然。隨。之。而。返。故。人。多。愈。妙。三。匝。既。畢。舁。者。飛。奔。而。回。炬。隨。者。鼓。譟。從。之。如。兵。之。奏。凱。旋。者。衆。悉。呼。歸。來。矣。及。門。則。又。狂。呼。病。者。姓。名。婦。女。則。以。夫。姓。冠。母。氏。之。上。門。內。必。預。設。一。人。應。之。亦。曰。歸。來。矣。於。是。奉。神。復。置。堂。上。供。養。如。故。村。婦。據。案。大。嚼。飽。啖。而。去。每。日。必。來。一。視。三。日。後。仍。以。八。人。舁。神。返。廟。村。農。以。妻。病。殊。未。愈。欲。勒。其。神。以。爲。質。村。婦。大。言。曰。爾。不。聽。吾。舁。神。返。三。日。必。病。無。益。於。病。者。而。反。及。生。者。汝。敢。以。身。嘗。試。乎。村。農。懼。乃。不。敢。留。然。久。之。妻。病。殊。劇。村。婦。又。聒。以。須。請。太。子。蓋。謂。其。魂。爲。一。冤。鬼。所。縛。而。此。冤。鬼。乃。男。子。也。非。太。子。自。往。不。能。懲。之。村。農。信。之。復。與。十。金。則。太。子。神。又。舁。至。家。矣。廟。祝。某。從。神。來。拜。禱。供。養。夜。則。出。神。呼。魂。三。匝。而。歸。一。如。太。子。妃。正。搶。攘。間。忽。報。病。者。已。逝。矣。廟。祝。乃。踉。蹌。遁。去。

村農雖不能破迷信。然以人死有遷怒意。乃與廟祝爲難。於是。他廟祝出而攻擊。以爲彼姘婦淫穢褻狎。犯神怒。故疾不獲痊。須訟於有司。村農以爲然。將奔赴城中求雪冤矣。忽鄉老挽而勸之曰。汝妻自干神譴。何責人爲。且事出莫須有。不可得直也。村農乃罷。然自是聞彼黨攻擊。必探聽其底蘊。始知欺人。斂錢毫無實際。一夕醉歸。見一家供養太子。不覺忿火中燒。直前持其家爨火杖。踣神像。擊碎之。其家大駭。欲共毆之。乃告以故。皆不信。以爲彼醉而滋事也。執送鄉老。鄉老閱其愆也。笑而釋之。是家病者亦漸愈。自此搶神之威信頓減。某廟祝與村婦銜之。乃設計於新年之夜。暗昇神至其門外。一人剝啄久之。村農紆徐出。及拔關。昇者遁矣。一太子神兀然不動。黃昏微月。四顧無人。村農雖崛強。至是頗膽裂矣。急閉關而入。一若後有追者。其子問之。期期不能答。久之始言其狀。其子亦不敢出。明晨村農病矣。廟祝因宣言神譴其子。欲延廟祝施術。村農不肯。蓋是日村農適晚膳。一驚而胸膈作痛。食滯不得消化。村落無知醫者。俱驚神疑鬼。其子始不得已背

父行搶神術未幾村農竟殞命子亦冠矣以爲神譴無如何也一夕偶飲於小肆間聞一人與肆主談鬼說神其人爲廟祝多自詡搶神術之靈驗忽酒酣耳熱不覺道其得意事歷歷入耳知卽爲父事也忿甚欲起毆之旣而思一擊不足洩憤不如緩圖之嗣見一婦人至搔首弄姿爲狀甚惡諧笑久之乃入肆主內室去村農子亦歸明日徘徊其廟畔廟祝見之以爲酬神來也頗示殷勤村農子亦姑妄應之周視其室而出又明日與佃工數人訂約伺村婦入其室後結束而往破扉擒獲雙雙縛之宣告村婦家族毀其像投之園囿蓋廟祝與村婦糾合未敢公言也至是村婦家族大羞怒執廟祝送有司治之驅之出境村人皆稱快至今號村農子爲莽太歲云

不才曰以淫殺劫虜對付巫者迷信人必以爲大不道然實孝子悌弟也安得盡如布商弟村農子者以掃蕩此妖雲毒霧之社會哉

往時聞江浙間有所謂花會者頗不解其情狀以爲必男女雜糅之擣菹場也而不知其事乃近於鬼神蓋亦巫之變態神權之窮而歆以財利則易動也仙山靈草之旁乃發明此不祥之惡劇至今瀟瀟亦染其餘腥焉台之黃巖者有一廟祝年老矣終身未娶衆稱之曰童身所居曰柔橋廟曰東阮蓋在橋東而所祀者相傳爲窮途痛哭之阮步兵也亦不知其何所取義愚夫婦或呼之爲白龍神此老廟祝者以籤語爲人卜休咎治疾病輒小驗凡病者往焚香叩首畢納籤於筒上下搖之有一籤躍出卽爲神所命者持籤檢其數可得方方皆預板印非香灰及清水卽極簡之草藥一二味如茯苓甘草之類是也信之者以爲神實式憑雖藥性與病相反輒奏奇功然無端爲所殺者不知凡幾矣某甲有愛子病瘡亦往卜籤屢服灰水竟以是殞其生某甲憤憤欲與老廟祝爲難老廟祝瞰其所業之可以誘惑也且事成已亦可分其肥乃傾心下之肅拜殷勤延入內室以廚下蔬筍供養檀那某甲素聞廟祝清修童身可敬遂亦不復以惡顏相向笑語旣洽廟祝

從容細語曰公非鼎鼎之筒官人耶此中自有神妙老朽頗嫻小術犬可通靈苟小試無不中也能爲官人福利盍訂祕密交乎某甲姑諾之蓋筒官人者卽花會之主作筒者也其時花會初行亦不知何人作俑法取古人姓名三十四主之者任用一名納於筒懸筒梁間以絕移換而納花會者各注錢數投入匱中因認定一名以射筒中所覆者苟認名適與覆名符合則主之者當以錢數三十倍相酬不合則注錢盡入主者衆樂其博進之多且速也無不羶附蜎集某甲適因筒官人屢敗北侘傺無聊聞老廟祝言計亦良得乃捉之一試廟祝始於臥室內焚香靜坐口誦咒喃喃喃然須臾忽仆於地白沫流脣外某甲大驚欲遁廟祝忽蹶然起神色威猛據案而坐某甲不覺長跽求神指示廟祝如神言答以隱謎某甲方患不解廟祝又仆地矣俄而蘇某甲詢頃間事廟祝言已實不知某甲告以神語互相講解旣得要領某甲遂自命馮婦登場一試果無一射中者大獲全捷如是者累日所入過贏乃與廟祝瓜分之旣而斬於半利頗思獨享偶背廟祝自爲之輒

大負急返。求如約而廟祝已知矣。絕某甲而自設壇於廟中。以招納花會之衆。自定酬神金額。榜示於堂。雖價格甚昂。人方藉是可獲博進。莫之吝也。以廟祝童身而神降之名曰降童。所降之神。廟祝信口開河。不拘一格。而最可發噱者。則小老爺。謂觀世音菩薩之胞弟也。凡小老爺降時。人有問者。必回身向內。良久始有所答。謂請命於姊。云舉國若狂。幾忘寢食。蓋其時服田力穡。不爲輟耕之太息者。猶鳳毛麟角也。大爲村落之害。而官吏莫能禁。或從而稅之。以充耗費。由是益熾。廟祝所入。既豐。私置產蓄。婦女實不復爲童身矣。而他廟祝及業巫者。莫不起而競爭。然皆末學新進。信從者少。終不敵老廟祝也。某甲既爲所擯。深銜之。乃處心積慮。思所以報日禱於東阮之神。陰求庇護。自是足跡不入博場。閉戶織席。以自給久之。益困而推翻廟祝之志。百折不回也。人方駭其進德之猛。或挪揄之。或慫恿之。俱置不答。安貧如故。一日忽有所感。投袂而起。狂奔入東阮廟。大呼本廟主神至矣。何物妖魔。敢據吾座。是時廟祝方降童。口講指畫。情景逼真。忽見來勢甚猛。

頓。生。股。栗。態。仆。地。而。退。壇。矣。某。甲。上。壇。據。座。大。言。老。廟。祝。欺。人。惑。衆。妄。褻。神。靈。招。致。妖。邪。爲。害。鄉。里。厥。罪。當。誅。吾。將。上。請。於。帝。行。刑。有。日。且。爾。等。謂。彼。清。修。童。身。乎。某。媼。某。處。子。竟。爲。所。污。今。尙。有。某。蕩。婦。在。此。非。彼。所。私。者。耶。因。於。羅。拜。之。衆。男。女。中。指。出。一。人。某。婦。大。駭。伏。地。流。汗。蓋。果。道。及。隱。情。也。神。乃。長。歎。數。聲。又。言。某。甲。罪。固。通。天。而。父。老。亦。不。得。辭。其。咎。希。圖。微。利。容。彼。貪。婪。淫。毒。村。閭。戕。賊。子。弟。吾。惜。衆。父。老。之。受。欺。怙。惡。也。急。宜。猛。省。去。邪。反。正。庶。不。再。使。妖。魔。留。此。淨。土。父。老。皆。叩。求。宥。恕。共。矢。改。過。神。乃。命。驅。逐。廟。祝。出。廟。自。後。止。許。求。方。問。疾。不。得。再。談。花。會。如。有。犯。者。立。遭。天。譴。爾。等。各。凜。遵。勿。貽。後。悔。語。時。其。聲。甚。厲。而。辭。多。嚴。正。衆。皆。肅。靜。無。譁。悚。惕。交。至。須。臾。神。退。壇。矣。某。甲。踉。蹌。出。廟。一。事。不。知。然。由。是。有。問。疾。者。求。請。者。偶。一。焚。叩。某。甲。雖。耕。樵。入。市。見。聞。絕。遠。無。不。忽。然。心。動。舍。所。業。而。狂。奔。人。以。是。益。神。之。不。敢。或。違。而。老。廟。祝。以。陰。私。盡。揭。無。顏。再。留。鄉。里。卒。挾。蕩。婦。遁。去。而。某。甲。主。東。阮。降。壇。者。二。十。餘。年。花。會。之。燄。稍。衰。云。

吳中盛行扶鸞術。俗謂之乩。亦作箕。以小箕或篩斗中繫小竹枝。兩人手扶之。下置沙盤。任意移動。則小竹枝畫字於沙面。扶者詳審而錄出焉。紀曉嵐閱微草堂筆記中屢及其事。蓋由來舊矣。文人好事。時喜其詩詞小品。或遇才鬼降乩。則隻詞片語。斐亶動人。嗜痴者彙刻爲集。殆楮翰遊戲之別技也。然疑神託鬼。大類於巫特巫而雅者耳。若其一經迷信。依神而行。亦有妨害事理者。毘陵錫山間文人。學士輒工扶鸞術。恆供養於家。以爲某仙某神。吾家之主壇者也。其室必清潔。寂靜。如道者。居行術。率以夜。某君者。夙嫻詞翰。偶邀友爲扶鸞。得某仙姬降壇。綺情藻思。颯颯移人。大有老我白雲之意。而靈椿垂老。亦頗婆娑。其下一少子。最憐愛某君之弱弟也。忽以疾逝。遂問仙姬。是何因緣。曇花止此。一現。乩言此子當再生。惟今尙非其時。明年某月日。有神鴉噪於墓樹上者。卽其時也。某君父乃踰問。今在何所。乩言在某府司檢書事。頗清貴。某府神君甚寵愛之。必以淹留。匝歲爲約。吾雖爲君瀆請。無益也。某君父大信之。叩求仙姬。必盡力斡旋。如約。始已。仙姬

允之。乃又問仙姬與吾兒有緣否。乩殊不成字。以表明含羞不答意也。再三問始出一詩。詩曰。曾向龍華會裏遊。桃花紅沒紫驢驢。斜簪散髮相調笑。一別於今五十秋。某君父大喜。以爲與子有仙緣也。某君亦時縈綺思。因問何日得睹芳姿。克諧夙願。乩言他日桐陰門巷心跡。雙清有女髻齡而不言。及笄而失心者。卽妾是也。卻扇後能拍肩。三度誦此詩。一過自當不昧。本來傾志。妾言以當操券。然爲時尙早。非鼠後牛前不合也。某君屈指年華。僅及未耳。待子六年。心頗挹快。乩又以詩慰之。自此唱和無虛日。一日某君父念子不能忍。因懇仙姬至某府一探近況。能偕之來。入乩尤所願望。仙姬許之。旣而言紫府侍書。方隨神君遊上界。未能卽來。有機自當圖報耳。居無何月朗天階。夜涼如水。秋心庭院。瓜果雜陳。兄弟甥舅相集。試爲扶鸞。忽仙姬言某郎至矣。某郎者愛憐之少子。卽某君之貴介弟也。別來無恙。絮絮前塵。某君大喜。急奔告其父。父至歷問死後情狀。甚悉。乩一一答之。最後問其何日再生。則殊函胡不能實告。父情甚切。因言兒在幽靈之中。亦曾

見吾家祖宗血統。曾未投生者。盡往求之。乩言自祖以上。大都皆投生人世。今在某所者。祖也。某所爲姑。某所爲伯。叔。娣。姒。某君父子。益欲一睹新奇。藉炫其術之神妙。因細詢居址姓名。令人訪之。果有是家。或不訪而已。知其身家。蓋素稔者。有村婦某氏。生女甫二齡。以爲其祖姑也。強牽之來。供養甚腆。日向其二齡女納拜。村婦大驚恐。有他禍也。深夜遁去。又一戚串家。成童方延師課讀。某君父以爲其祖也。突造其塾。具衣冠而羅拜之。師生惶駭。莫知所爲。主人出問。始肅然改容。爲禮。然自是人皆以爲怪事。佯爲敬禮。陰實擲揄之。某君不顧也。魚龍曼衍之戲。由乩言而編演者。不知凡幾。如是者。彌年而尙以爲未足。一日者。舉家夙興。盥漱早膳。畢肩輿十餘。乘結隊至鄉間。隣里以爲掃墓也。殊不爲意。旣至墟墓。累累辨徑而入。夫婦子女皆披荆斬棘。跋涉綦艱。斗大孤墳。深深埋玉。方歎纖魂弱膽。從此與浩刼相戰。同歸於盡耳。而不料乃翁好事。竟致暴骨荒邱。蹈舊律開棺之罪。墓前烏柏樹森森成列。某君家屬徘徊久之。果有一鴉飛集。狂噪不已。某君父子大

呼。躍。起。曰。時。至。矣。手。自。荷。鍤。而。前。爲。衆。工。倡。土。崩。棺。露。揭。蓋。視。之。則。赫。赫。一。堆。枯。骨。也。家。人。大。哭。交。咎。時。刻。之。誤。或。發。土。之。不。當。咨。嗟。抱。怨。草。草。掩。埋。及。暮。而。返。急。請。命。於。乩。仙。姬。殊。不。至。到。者。自。云。唐。賈。島。瘦。詩。見。骨。某。君。殊。不。喜。之。故。焚。符。請。退。良。久。乩。始。降。曰。憊。甚。矣。爲。小。郎。事。奔。走。數。千。里。終。不。能。如。約。奈。何。衆。皆。問。故。乩。曰。事。敗。矣。小。郎。爲。某。府。神。君。所。鍾。愛。一。留。三。年。再。四。懇。求。業。蒙。允。以。某。月。日。後。生。人。世。豈。知。天。恩。忽。沛。凡。無。罪。者。一。律。投。生。不。容。羈。遞。片。刻。卽。立。飭。役。人。押。往。他。處。投。胎。以。絕。瞻。徇。小。郎。名。注。籍。中。今。且。已。飲。乳。矣。但。究。不。知。其。在。何。處。俟。妾。竊。檢。簿。籍。始。可。得。其。端。倪。某。君。父。子。心。氣。頓。平。復。信。其。言。之。無。他。乃。稽。首。壇。前。求。仙。姬。之。注。意。查。察。乩。唯。唯。而。去。越。數。日。乩。又。言。小。郎。投。生。某。地。某。家。欲。往。視。者。可。循。吾。言。以。求。之。家。人。皆。忻。喜。如。獲。失。珠。某。君。父。子。遂。按。仙。姬。語。推。訊。果。有。其。家。如。前。狀。生。一。女。過。五。日。矣。不。能。啼。至。是。見。某。君。大。啼。見。父。益。甚。乃。告。其。家。以。故。而。留。洗。錢。爲。兒。福。某。家。一。豆。腐。作。衣。食。頗。艱。驟。得。富。貴。人。與。之。周。接。不。覺。大。喜。過。望。自。是。常。往。

來餽贈如戚串。然久之。知愛子之必無術。可使希冀。死者未卜。生者可追。乃益全力。注仙姬而乞。其卽允求婚。合盞方法。乩曰。文明自由。時有機會。何爲嘵嘵。令人幾羞暈。難堪。此時苟有機會。安背虛延。一刻自擲千金。殆未可汲汲爲不終日之慮也。某君乃不敢言。然宛轉抽思。獨標真諦。必時爲一線之期望。自謂情種子。滋味心頭。誤他師。師盼盼之名。自作畫裏真真之喚。篇章酬酢。情好益深。人或躬任撮合。山勸之早求中饋。主某君掉首不一介意也。又二年。家益落。某君爲飢驅。走江湖。父抱病奄奄。了無生趣。扶鸞之侶大消歇矣。卽或時一試演。而仙姬終不至。某君撫髀太息。大有城郭人民之感。從此忽忽。如有心疾。卒不娶。以待仙姬。百計鼓勵。乃不獲。如前此之唱酬。旣而發憤。走甘涼。塊然鰥處。殆將終身云。

濱具區而建縣者。婦女輒好焚修。其晨鐘暮鼓之尼庵。無論矣。尙有私結團體。粗具規模。雖或擘經禮佛。如故而性質則儼然別立教派者。卽委巷間相傳之某教。某教是也。白蓮啓自明季。在理盛於清時。其他若八卦糴糶等。皆教化其名。妖妄。

其。實。鬼。蜮。其。行。爲。所。陳。述。舉。動。類。皆。陰。森。多。鬼。氣。與。道。德。爲。讎。而。非。社。會。之。福。是。亦。巫。術。之。別。派。大。足。損。壞。天。姿。純。美。之。婦。女。者。也。毘。陵。郭。外。數。里。而。遙。河。流。旋。繞。夙。號。水。鄉。白。葦。黃。茆。一。望。無。際。中。露。紅。牆。一。角。幾。疑。宛。在。中。央。無。路。可。通。者。卽。著。名。婦。女。焚。修。之。所。而。實。某。教。之。窟。宅。也。教。中。不。容。男。子。自。謂。恪。守。清。規。然。其。主。事。者。往。往。潛。入。人。家。私。相。誘。煽。失。節。敗。名。之。事。時。不。免。焉。某。甲。者。娶。婦。而。美。伉。儷。甚。相。得。也。忽。因。細。故。反。目。悻。悻。歸。寧。母。氏。固。好。佞。佛。與。某。教。主。事。者。有。香。火。緣。見。甲。妻。而。譽。之。曰。若。個。好。姑。姑。惜。福。薄。能。舍。身。教。中。稍。施。懺。悔。獲。益。當。不。淺。甲。妻。正。憤。藁。砧。之。不。情。也。欲。藉。是。爲。解。悶。計。乃。從。之。遊。於。其。藩。中。焉。粥。魚。齋。鼓。別。有。洞。天。以。爲。自。由。樂。土。大。悅。之。遂。有。此。間。樂。不。思。蜀。之。意。其。夫。屢。欲。迎。之。返。母。氏。輒。以。偶。遊。戚。串。家。爲。對。久。之。夫。頗。有。所。聞。日。逼。母。氏。致。女。母。氏。終。以。溺。愛。徇。女。欲。支。梧。其。詞。夫。大。疑。以。爲。琵琶。別。抱。或。有。他。情。也。聲。言。將。訟。於。有。司。母。氏。懼。始。促。女。返。女。矢。天。誓。日。不。復。歸。母。氏。不。得。已。以。情。告。壻。壻。乃。偕。之。往。初。不。得。入。壻。以。強。權。排。闥。入。女。

不。得。匿。牽。拽。而。歸。自。是。女。益。不。樂。其。夫。然。夫。防。堵。嚴。密。末。由。自。遁。母。氏。懲。於。前。事。亦。不。願。其。他。適。久。之。防。稍。懈。女。意。亦。漸。解。會。戚。串。有。婚。事。酒。食。招。邀。靚。妝。而。往。忽。又。遇。前。此。之。主。教。事。者。喁。喁。絮。語。棖。觸。舊。情。母。氏。懼。其。故。態。復。萌。也。戒。勿。往。女。僞。諾。之。迨。夜。而。杳。如。黃。鶴。矣。急。覓。主。教。事。者。詢。之。主。教。事。者。殊。坦。然。實。不。知。其。蹤。跡。刼。之。不。令。他。往。洵。索。人。主。教。事。者。呼。冤。不。已。衆。皆。言。事。莫。須。有。不。宜。厚。誣。優。婆。夷。夫。亦。自。覺。憑。證。之。俱。無。也。乃。釋。之。然。終。不。知。妻。之。安。往。窮。年。累。月。偵。探。無。所。獲。主。教。事。者。仍。往。來。縉。紳。家。陽。陽。如。平。常。又。年。餘。夫。以。失。女。故。侘。僚。不。自。聊。故。業。雜。貨。至。是。困。於。阿。芙。蓉。竟。以。失。業。家。無。父。母。一。弟。亦。伶。仃。不。能。自。立。既。而。病。死。幾。至。藁。葬。女。母。憐。之。勉。爲。經。紀。喪。事。是。時。女。母。實。已。知。女。之。所。在。矣。姑。洩。於。戚。串。間。先。是。有。紳。子。某。者。窺。女。有。姿。思。欲。一。親。芳。澤。會。主。教。事。者。至。其。家。作。佛。事。子。之。母。故。婢。也。迷。信。鬼。神。事。皇。皇。若。狂。紳。逝。世。後。大。婦。已。早。故。貲。產。悉。入。掌。握。中。因。是。僧。尼。炫。惑。者。如。蟻。附。羶。主。教。事。者。固。某。寺。住。持。僧。之。姘。偶。表。裏。爲。姦。熒。惑。視。聽。出。入。紳。

家者數年矣。頗有穢聲。然婢故多才。族戚俱無隙可乘。亦遂安之。子既長。不信佛事。當主教者。廣闢道場。談神說鬼之際。子輒從而擾亂之。如獗兒之亂局也。者主教者。百計浸潤之。終不得帖服。子且聲色俱厲。主教者患之用重。賄餽婢僕。求得其心事。因伺隙以微詞諷之。紳子大入港。傾倒筐篋。盡語以蓄意。且曰。能爲我謀此滿簾金。何足道哉。雖令吾皈依作弟子。亦無不可也。主教事者。心癢魂舞。然故斂其容色。若有所難者。曰。彼已羅敷。設不樂。宋王者。吾將何說之。辭雖然。公子非他人。雖粉身碎骨。必圖報命。紳子大喜。自是不復阻撓佛事矣。主教事本識女母。夤緣得女入。穀初意。本令女時來窟宅中。暗度陳倉。藏春有鳴。了無妨害於其夫也。豈知春風一度。情緒纏綿。女遂作降王舉動。抵死不肯歸。故土主教事者。惴惴懼矣。乃勸公子。購置別墅。作金屋事。尙未成爲。故夫劫之去。紳子大難堪。鐘鼓初長星河。欲曙。眞所謂透骨相思。斷難自解矣。計欲強權奪之。或啗以利。主教事者執不可。曰。勿勞渴躁。吾自有術致之。公子但早營金屋可耳。女之由戚串家遁出。

也。卽有教中人挽之去留宿其家然後送之別墅所謂別墅者實卽水鄉之後有一小隴闢室數椽藏於竹林中拏舟而過者往往以爲中係古墓紳子之出入必以夜數載而人無知者迨其夫死始僞爲購自鄉間者置側室焉是誠某教中之一篇佳話也。

金閭十里俗靡而畏鬼乃有一種奇異之教派生焉亦巫類也厥教不擇男女爲室一大間履寫交錯香霧氤氳自宵達旦不食飲不行動不言語一主席者提倡有所誦謂之功課誦喃喃滿堂幾不可辨諦審之則大學之道以下白文也聞者無不駭然謂何故讀吾黨之四子書教中人曰吾輩本受孔子戒者但恐不能誠意正心故集大衆作此功課耳從前朱文公半日靜坐歐陽子方夜讀書此皆自修功夫惜未能立人達人與民同欲耳今吾儕發此宏願徧集同胞共修正德豈有他哉或難之曰孔子明人倫男女有別今爾曹子女雜坐得毋背理乎教中人曰有教無類雖異種殊族猶當進之況同胞之男女乎況大學之道在乎齊家家

中。豈。能。無。妻。女。乎。故。吾。教。所。誦。者。修。身。齊。家。之。道。欲。奪。彼。誦。佛。號。諷。心。經。之。徒。而。歸。於。正。道。不。得。不。男。女。同。坐。耳。或。又。難。之。曰。燒。香。爲。漢。武。祭。金。人。所。自。始。西。域。夷。俗。也。爾。曹。既。從。儒。道。何。爲。又。復。燒。香。教。中。人。不。能。答。曰。此。制。教。長。所。定。待。問。訊。而。後。告。數。日。教。長。覆。書。曰。燔。柴。祭。天。周。宗。古。禮。鬱。鬯。之。酒。氣。臭。達。於。上。煙。酒。俱。爲。氣。通。神。明。之。用。今。用。香。末。實。柴。之。細。者。耳。吾。猶。行。周。禮。何。夷。禮。爲。其。口。辨。博。洽。如。此。然。其。教。中。行。動。實。鄙。穢。所。誦。大。學。莫。知。其。章。句。徒。如。誦。經。啐。咒。而。已。且。不。許。行。動。便。溺。以。竟。一。夕。而。又。必。盡。閉。窗。戶。值。天。暑。薰。蒸。之。際。麇。集。一。室。汗。氣。迷。漫。時。發。疫。癘。有。某。甲。及。某。婦。者。竟。以。頭。暈。腹。痛。不。得。走。出。及。散。會。已。不。及。施。救。矣。又。或。穢。溺。徧。地。臭。味。差。池。而。教。長。猶。搖。頭。擺。尾。講。誦。津。津。語。雜。俚。俗。自。鳴。得。意。聞。其。教。頗。盛。於。贛。皖。吳。下。則。自。教。長。新。來。傳。播。耳。然。頗。祕。密。究。莫。知。教。長。何。人。不。才。曰。巫。風。之。鼓。盪。社。會。至。於。蔑。倫。背。理。妨。害。人。道。而。終。不。一。悟。哀。哉。某。廟。祝。之。歆。於。利。而。交。友。失。其。信。某。君。父。子。迷。信。而。暴。愛。子。之。骨。捐。室。家。之。樂。某。教。至。爲。人。

奪婦而殺其夫淫惡尤甚而誦大學以作祆教之儀鬼異想天開實爲聞所未聞則士大夫而亦甘湯賤巫之竈矣一巫也足以破壞五倫而有餘且或假五倫或面具焉嗚呼巫術之進化歟抑人心之爲患也

巫風記三

不才

粵俗尙鬼見於漢志故南海嶺嶠間其迷信巫史爲甚巫皆與道士合凡爲道士無不工招弭（見周官）之術有所謂喚魂者則尋常病家輒招道士爲之道士至則設齋壇懸神像拜誦經懺了無異他處也惟旁晚時則怪劇作矣必一領袖道士爲主任餘則奔走布置若僕役然初用樓梯一具蠱空而植梯級皆縛利刃刃鋒向上晶瑩銳銛並非贗鼎道士披髮赤足禹步誦咒踏鋒而登了無懼色凡上下必數次名曰上山蓋爲病者消罪也然後出鐵彈丸如兒童遊戲所擲之球狀又出鐵鍊郎當有聲主家預備火爐一道士投丸鍊其中未幾鐵色熊熊矣道士徐起手急捻丸入口中含之復撫摩其鍊良久鐵色將黑矣始投冷水盂中水

猶。淬。淬。起。蟹。眼。卽。以。給。主。人。爲。病。者。額。面。道。士。更。出。銀。針。刺。手。血。濡。縷。然。自。詣。病。所。以。指。塗。病。者。兩。太。陽。穴。及。左。右。掌。心。謂。之。去。內。邪。旣。畢。命。人。燃。兩。燭。置。病。室。中。袖。拈。藥。末。少。許。向。上。一。彈。其。聲。訇。然。滿。室。火。光。照。耀。俗。名。發。火。粉。意。去。外。邪。也。施。術。已。乃。命。童。子。身。抱。雄。雞。一。握。青。竹。竿。一。枝。自。提。病。者。之。粗。衣。繇。梯。升。屋。呼。病。者。姓。名。或。婦。人。則。并。夫。與。母。家。之。姓。氏。呼。之。丁。喚。魂。時。適。有。物。當。前。過。或。牛。羊。雞。犬。等。均。可。獲。愈。惟。不。遇。血。氣。動。物。則。魂。無。代。者。而。疾。不。起。矣。若。人。來。則。其。人。必。死。故。鄰。里。遇。喚。魂。必。閉。戶。不。出。或。偶。有。遭。者。道。士。必。爲。禳。解。始。已。遠。方。行。人。則。不。顧。也。俗。咸。傳。說。遭。喚。魂。而。爲。所。奪。者。身。必。有。火。印。云。亦。未。嘗。有。見。者。惟。某。鄉。一。童。子。其。鄰。家。喚。魂。忽。游。戲。於。側。不。及。避。三。日。而。病。死。父。母。以。爲。被。害。也。交。相。詬。厲。遂。至。用。武。各。有。損。傷。纏。訟。經。年。不。休。終。至。破。產。而。後。已。而。道。士。施。術。時。亦。甚。危。險。往。往。突。招。慘。禍。者。某。甲。爲。子。喚。魂。一。道。士。手。段。生。澀。遽。上。刀。山。偶。一。失。足。倒。栽。而。下。利。刃。貫。腦。死。蓋。聞。其。黨。偶。洩。祕。密。赤。足。踏。鋒。時。足。底。實。有。物。可。不。受。鋒。刃。又。足。勢。輕。捷。

如走繩索之戲術。然皆平時習鍊而成者。此道士不甚閑熟。且暱婦人步履頗亂。故有是變也。雖無抵償理。而撫卹紛擾病家。幾破產病者亦卒以驚悸死。又某婦爲其夫喚魂。婦固少艾。前後從道士拜禱。道士心豔之力寸。督亂迨吞鐵丸時。忘置祕密法器紅丸。突入脣舌。皆焦爛。手指如炭。滿口流血。仆地不省人事矣。蓋目挑心招。幾忘用術。手捻既久而舌外不傳熱之薄衣。未嘗預備也。雖入醫院治愈。已舌強不能言。俗譁然以爲鬼神懲其淫念。而不謂用術之失手也。某年冬。雙門底大火。延燒數百家。問其起火之因。則喚魂之發火。粉偶及蚊帳而炎炎也。發火粉固不外硫磺松脂等末。然爾日室中寒冷。爐火熊熊。頗積炭氣。致上下火道相接。霎時成災。不及施救矣。凡喚魂之耗費。必數十金。貧者勉力爲之。往往致落魄云。

甬東鄉間多陋俗。大都鄰於迷信。最可發噓者。則男覘而女巫之飾。巡呼村落間。言治一切怪病。應手必愈。其人首不戴髻而簪花。敷粉怪醜之態。可掬。或問其何

故必女裝則云先世與仙姬爲耦臨別時贈一丸泥云以此流傳子孫世世吃着
 不盡但必女裝而後有効女裝者像仙姬也其荒誕若此凡求治病者先取清水
 一杯研墨使濃以新筆蘸墨點入水中者三墨痕在水中蜿蜒下沈其人遂取竹
 管窺之卽述病狀似從委宛曲紋以發其意者然亦不盡如是所述成五七言彈
 詞部俚不堪入耳歌聲抑揚如村謳婦孺酷好聽之故常有無疾而戲延之者酬
 金亦不甚多數十錢或百錢而已其藥則惟一泥丸令病者以津液潤之粘著某
 穴絕不施他術俗名之曰爛泥膏藥然以男子女裝婦女恆暱之故出入閨幃漫
 無禁限某鄉一女子爲泥丸巫所私然女已有夫矣偶有疾亦延泥丸巫視之此
 巫資緣而往乃曰膏藥一丸須貼臍腹且必我手貼之方能取効病者信之不數
 日而腹痛如絞浮腫若河魚至晚死矣家人譁然以爲中爛泥毒欲與巫者爲難
 巫者匿他處以免衆猶以爲無心之誤也未幾巫竟娶其未亡妻或始疑之後洩
 其謀則巫固於貼膏藥時入藥針於臍內矣夫家止一弟性懦甚莫爲之鳴冤而

衆論譁然。巫不自安。挈妻遁去。

津沽當義和團未盛時。卽有如紅燈照者。出入人家。施手術。名曰姑娘子。凡鄉間婦女有疾。輒信彼施治。蓋女巫也。女巫至。則燃燈一枚。炷香於爐口。啜啜不知何語。須臾。則神降其身矣。判病量藥。俱作神語。謂之頂神。時或揭人陰私語。輒中愚夫婦益神之所頂之神。輒有稱號最尊者。曰白老太太。來時聲咯咯然。宛如老嫗。曰黃少奶奶。則清脆如少婦。曰胡姑娘。則嬌婉如妙女。無不酷肖。蓋亦口技之流也。或問其太奶奶等。果係何神。是何來。歷彼輒阻人。不可妄詰。詰必致禍。有洩其祕者。則曰白老太太者。蝟也。黃少奶奶者。鼠狼也。胡姑娘者。狐也。此外又有長大姐。褚相公。不時降者。蛇鼠二物也。信此巫者。稱爲五神。紫竹林某氏婦者。抱寒疾。延巫視之。巫述神語曰。爾名在冥中。已書銅牌。勾攝之期。將至矣。越十日。更書入鐵牌。則勾攝在卽。雖神不能爲力矣。今幸尙在銅牌。速禳之。必可愈。因判牲醴若干。蠅物若干。婦稱貸典質以從其言。未幾香煙繚繞。牲酒縱橫。女巫喃喃誦經。

連夕不已。病似少瘥。婦喜。巫益驕。乃又言。已有祕方。爲神所授。因娘子精誠。神已許我施治。若在他。人恐不易得也。婦唯唯稱謝。巫遂雜取湯丸。任意配合。輒用珠粉。犀角等貴重之藥。動十餘金。婦賞盡。爲所攫。而疾加劇。巫懼。屢變其方。以求一當。忽參苓忽烏附。未及旬日。而婦且殆。巫遂不復至。婦族欲率衆毀其家。巫聞之。宵遁。他方月餘。而返。則又售術如故矣。

亡魂入腹。皆女巫所爲。卽前記所載湖南巫亦此類也。而甬東慈谿之俗。則又有異。蓋非直接而係間接者。何謂間接。其先必有一鬼。或二三鬼入據腹內。然後爲人家招致。亡魂皆役使。此鬼所爲。諺傳此鬼實來還債。必其生前負此人之錢。故入其腹中。爲之施術。以斂錢。酬子母債。滿數。鬼亦澌然滅矣。鬼初入時。不免嘔吐。大病。然不致有害。久之始帖。然如故。出入由口。往來自如。有某氏婦。因夫死逾年。思念不已。因招巫者。施致魂之術。欠伸良久。腹中出語。果如生前口吻。且其夫嗜阿芙蓉。婦問。須過癮否。曰。可。乃爲之鋪茵設褥。燃燈置鎗。且仍呼侍婢。燒煙安置。

筒口諸事帖妥。巫者臥榻上，以腹向燈，則氣縷縷出，儼似有人呼吸之者。俄而筒口之煙團告罄矣。婦大驚，益服其神，且無語不酷肖。自此踵門求者無虛日。傳播既久，奇驗益多。然因求其必驗而栽禍於人，雖至慘酷，不顧者，此亦巫者之慣技也。某姓於赭寇亂後，失其愛子，子年弱冠矣。父母欲爲之立嗣，招魂思念不已。乃招巫者問冥中狀。巫者言：「一時不可得容，徐圖之。」父母以爲巫術未工也，登門辱詈。且言：「如能知吾子者，當出重酬，否則將徧告鄉閭，絕其售術之路。」巫者乃聲言：「三日必可探得，倘不得儘容，奚落不怨。」既二日，巫忽造某姓云：「爾子已查得矣。生前罹礮火，死死後入礮死鬼隊中，身黑如炭，形極醜惡，遭之者必爲厲。況可招之使來耶？如必欲招致，恐不能入吾腹，雖有言語末由達也。」父母又哀懇必一致之。雖不入腹，無怨也。巫曰：「爾子久與諸厲鬼爲伍，猙獰兇惡，獷獷然不可嚮邇。且生前之事，彼已絕無所知，招之入室，必生橫禍，猶所謂引狼入室，不噬人不已。公盍慎之，竊以爲不如不招也。」某姓聞言，疑其挾詞索費，益憤。然曰：「吾必欲致之，苟

有禍毋與汝事。巫曰：果乎？曰：果然。則吾遣徒招之。來有禍，公自當之。曰：然。巫欠伸運動良久，忽色變而起，曰：驀然來如野人。彼聞父母名，挺悍不解也。今且直入內室，絕不顧吾。吾腹術窮矣。公等慎防內室中人物可也。語畢欲去。某力求禳解法。巫不可強之。再四始言：吾姑與一符籙懸寢室門。保君夫婦。其他則吾不能顧矣。某尙有求。巫已絕裾而去。及夕，某姓室中數驚擾，因不敢寐。坐以待旦。忽一廚下媪倦甚，甫交睫，如有物擊其首，大呼倒地，口流涎沫，不能言語矣。未幾而斃。骨節皆青紫如中毒者。須臾，某一女年十餘齡，蹙伏牀隅，大呼有怪物在此。衆集視，則其狀亦如媪。遂不可救。藥三小時，間暴死。二人衆益洵懼。夜齋巨金，叩巫者之門。主人膝行而前，力求一往視。巫逡巡而後許，肩輿至門，端坐堂中，呼腹中鬼出而語之。商量部署，以某司門戶。某主搏擊，某主擒獲。蓋腹中有三鬼。至此均令其出隊也。鬼初不肯，後許其再求。他鬼相助，主人焚蠟以資之。鬼始踴躍。久之，空中有搏戰聲。巫令主人眷屬暫避，不宜逼視。又久之，巫大呼：更焚冥蠟，以犒衆鬼。言爲

禍者已爲羣鬼所縛。送交社神收執矣。某又求愛女。尙可返魂否。巫言媪與女之魂已爲惡鬼所擘碎而食之。不可得而返矣。某因問吾子生前謹厚。何死後兇惡至此。巫言凡強死者。經恐怖刺激。則失其本性。又與厲鬼爲鄰近。朱近墨習染。易成無怪。其一變之至於斯也。某太息。服巫言之有理。厚酬之。且感佩不置。後數年。巫已下世。或始洩其事。蓋巫以一女徒伺隙掩入某宅。用一種毒藥。立殺媪與女。以炫其術之神也。且聞所殺不止某姓一事。動施慘酷手術。爲救急方焉。然以事無佐證。末由發其覆。治以應得之罪也。後其徒始以事爲人控告。致纒首云。

四明鬼俗不減。粵巫不獨。細民爲然。卽士人亦有爲之者。然以名教故。頗恥招搖而迷信。綦深言之。鑿鑿益足爲社會魔障矣。俞某者。曾爲博士弟子員。有能文名。壯歲後。忽染奇癖。月輒僵臥數次。或竟日醒。或數日醒。力守祕密。不洩於人。猶口不言。温室樹也。知己者能道其隱。以是人益神之。謂以生人而役冥中。名曰活無常。俞心矜其名。特不肯輕揭。以示人耳。酒酣耳熱。交好深談。則自鳴得意。自言每

入冥中首謁城隍神。神授以草鞋及扇二。先著草鞋而挾其扇。鞋一貼足。甫舉步。行走如飛。隨意所之。絕無隔閡。雖城垣之高。門閤之扁。錮往來如無有。障礙而所謂扇者。一面紅一面黑。舉紅者向人。扇之必竟。體發熱黑者則寒。顛歷試不爽。又言冥中果有所謂血污池者。俗言產婦必入此者。妄也。實則設血污池之刑。專治男子。凡一娶者不入。再娶者卽入。三娶及娶妾者。以是類推。俞君凡語冥役事。必及此語。蓋亦主文譎諫之流。借地獄以警世。其意誠與尋常巫者惑衆斂錢大有判別。然而社會間以爲文人學士尙然益紛紛言鬼神地獄矣。俞又言某友者少相狎而長相優者也。聞俞爲冥役。力求一睹冥中真相。俞不可強之。乃相約擇靜室引被安臥。戒家人注意。勿相驚擾。然後僵焉。俞君乃挈之行。惘惘入城郭。狀與人世相類。惟不認途徑耳。行炊許。始至一官署。俞囑友稍待。有公事當入。友諾之。且戒之曰。此間非人世。可比。苟有歧誤。必墮魔道。其危險已甚。必至不及施救。勿妄動也。語畢。將入。忽又掉首囑數語。諄諄焉。如老人友頗厭其煩。漫應之。友久待。

愈。不。出。意。緒。無。聊。徘徊。瞻。眺。忽。署。中。有。婦。女。結。隊。出。睨。之。皆。玉。豔。花。嬌。作。時。世。妝。
 束。非。鄉。落。間。所。能。有。意。者。殆。眷。屬。乎。胡。又。遲。迤。行。絕。無。騶。從。益。疑。之。欲。瞻。其。異。第。
 見。女。子。約。五。六。人。裊。娜。風。神。不。可。一。世。心。旌。搖。搖。足。不。覺。隨。之。而。移。矣。斜。行。數。十。
 武。忽。轉。入。狹。巷。中。心。念。此。殆。官。妓。耳。署。中。徵。歌。侑。酒。頃。始。席。散。故。羣。曳。而。歸。笑。語。
 喧。譁。動。人。憐。妬。姑。窮。其。行。一。圖。消。遣。亦。良。佳。無。何。女。子。入。小。戶。中。魚。貫。不。亂。友。邁。
 步。從。之。忽。大。聲。震。耳。目。光。炯。燦。驚。而。四。顧。則。己。身。處。筮。中。一。母。豬。啣。其。餘。藩。數。小。
 豬。與。友。雜。居。己。自。知。化。爲。小。豕。矣。不。肯。食。乳。意。在。自。戕。兪。既。自。署。中。出。徧。覓。不。得。
 友。悵。悵。先。返。以。問。友。之。家。人。猶。僵。臥。如。故。衆。乃。咎。兪。幾。無。策。久。之。始。言。自。往。冥。
 中。一。探。蹤。跡。仍。戒。家。人。不。可。動。動。則。功。虧。一。簣。矣。家。人。唯。唯。兪。僵。臥。日。餘。忽。蹶。然。
 起。曰。憊。哉。此。行。奔。走。誠。爲。難。得。一。周。時。幾。窮。地。府。矣。編。檢。名。籍。始。知。友。不。應。死。而。
 已。投。生。某。縣。某。村。幾。三。百。里。也。盍。往。求。之。乃。偕。家。人。按。途。而。進。至。其。處。一。家。母。豬。
 新。生。稚。豕。其。家。坐。落。及。姓。名。悉。合。細。檢。其。筮。中。而。稚。豕。中。有。白。尾。者。卽。指。爲。友。在。

此也。稚豕見俞君啼聲，狗然乃索購於主人。主人居奇，誓必十金。諸戚友緩頰，卒與十金而後得之。俞乃攜稚豕歸。既至，攜入病室，對友所臥之榻，以鐵搥擊碎之。魂靈潛度，豕死而友蘇矣。俞始爽然，衆亦相慶。自是俞再入冥，終莫敢求之。挈去矣。而俞之技且益神，更不受人酬報。與常巫異品，益高而信之者多。士大夫家時有故事，可令人爛戒。衆翕然賢之，以爲有道之士。或曰：俞君實多寓言，其僵臥數日，殆蝴蝶之怪夢與？臥雪之高風耳。觀其語草鞋，則列子御風之想也。道陰陽，扇能令公喜怒之類也。解血污池，男女平權力主一夫一妻之制也。至於獵豔者自墮，畜生道正佛家之妙諦，渡迷之寶筏耳。安可蔑視哉！然則俞君者，誠有道之士邪？而社會間以爲文人學士，尙然益紛紛言鬼神、地獄矣。

迷信之事，恆有事理易明，而一經師巫之煽導，卽舉國若狂者。豈社會心理天然與此種魔力適合耶？慈谿縣東曰靈山，有會龍寺。寺奉葛仙翁像，蓋晉人葛洪也。香火之盛，甲於百里間。問其所以盛之由，則殊出事理之外。蓋數十年前，有一僧

名。卽。空。者。造。作。一。種。牒。文。云。死。者。持。牒。至。冥。中。得。領。銀。五。百。兩。一。切。耗。費。賄。賂。等。足。數。應。用。可。望。免。於。罪。戾。矣。其。畏。蕙。卑。賤。欺。詐。若。此。且。社。會。之。徼。幸。苟。免。心。實。占。多。數。此。其。代。表。也。牒。又。詭。誕。鄙。俚。卽。任。由。售。楮。之。市。鏤。版。印。行。上。鈐。葛。仙。翁。印。稍。通。文。理。者。無。不。非。笑。然。婦。孺。及。中。下。等。社。會。趨。之。若。狂。每。歲。元。旦。迄。浴。佛。日。爲。大。香。期。進。香。求。牒。者。絡。繹。不。絕。寺。僧。因。是。致。富。又。是。牒。者。必。步。行。登。山。方。爲。有。効。若。筍。輿。而。上。則。成。廢。紙。矣。而。寺。在。山。巔。由。麓。升。高。必。五。里。許。老。幼。流。汗。相。屬。乞。人。沿。途。索。錢。一。春。熱。鬧。此。其。好。景。矣。旣。得。牒。歸。藏。篋。筭。臨。死。焚。之。男。婦。一。致。也。或。問。其。効。驗。安。在。而。深。信。不。疑。若。此。則。相。傳。有。富。家。婦。樂。善。好。施。與。子。孫。皆。貴。顯。矣。年。八。旬。臨。死。易。簀。神。明。不。衰。目。旣。瞑。而。復。啟。大。呼。某。篋。中。藏。有。葛。仙。牒。文。何。不。一。用。子。孫。急。取。文。焚。之。始。含。笑。而。逝。故。至。今。以。爲。牒。文。可。實。用。非。他。符。籙。之。比。苟。無。此。雖。死。不。瞑。富。家。婦。其。證。也。噫。迷。信。之。至。亦。有。精。誠。至。死。不。忘。宜。也。如。積。蓄。銀。幣。者。迨。死。而。遺。囑。其。子。孫。惟。銀。幣。是。憶。學。問。之。所。研。究。一。也。死。而。不。忘。書。籍。與。此。正。相。類。

誰謂婦女而無此記憶力耶。死而復索。何足怪哉。

琴川某商家有崇於狐者。牀帳箱籠中動報火起。衣被有燠。有不燠。瓦石常飛舞。空中偶不經心。面目致損。商家患之。購張真人符。或臬司大憲印。鎮之俱無効。有巫者偶因視疾來。輒駭然曰。此堂中有妖氣。胡不早除之。主人驚其前知。乃曰。果有是將何等法。以試克奏肅清之功。巫者曰。此事亦殊不易。仙人與冤鬼又不同。似宜多假以詞色。佯爲尊禮。設位以安之。則事或可定矣。從之火暫已未幾。而復熾。飛磚擲瓦。衣笥自焚。不堪其擾。主人怒。仍去其位。紛擾亦無增加。且燄似稍殺。主人自謂相時。作強項。令印綬在身。則無傳染之患矣。乃竭力運動。得官。挈僕居省垣時。或一歸琴川。此時狐崇忽呈一怪象。蓋某在室時。卽火。一日數十起。瓦石必在空中。旣去。則帖然。主人頗疑之。何狐與我有緣。擾擾者。專聒吾耳目。邪事殊不可解。久之。某歸家。仍驚擾如故。餘亦不自安。有胞弟者。讀書多才。旣而游學東瀛。卒業返國。見家中之患狐也。頗心非之。然無制勝術。姑留意求之耳。又久之。適

巫者來言宜供養狐仙於堂中以免滋擾不宜毀其位致彼悒悒弟聞之大不謂
 然力言無狐仙有之者妄耳今火起必有故吾能偵探之非可據臆說以爲信史
 也家人盡以此言爲迂不甚注意而某弟日往來井竈及園圃之所撥草翻花蛛
 絲馬跡頗耐人尋味約月餘無特殊之證據衆擲揄時某弟亦赧顏而已忽一日
 某自省垣歸一從僕告有恙急入寢室臥某弟偶過其門前微聞有老婦語聲隙
 中伺之則廚下媪而從僕之義母也手持一物付僕且曰今二老爺在家時尋釁
 隙彌縫頗不易蓋慎之又慎不可爲寧緩數日勿蹈孟浪也某弟大疑乃留心覘
 其動靜越兩日火又起矣某弟自語曰鄭人在此讐不遠矣乃取被焚之物逐細
 檢視有硫磺花氣臭而火起輒於無人時絕未有稠人廣衆忽然熊熊者此亦傷
 心之事也某弟間輒巡行垣外勘閱殆徧一日忽見有小舍中貯瓦石甚多屋後
 一土墩登其巔適可徧覽內室女牆隱蔽內不見外某弟歎曰此瓦石飛擲之發
 行所也既而入廚下從僕又與老媪喁喁私語某直前擒之并縛老媪乃告其兄

曰。狐。仙。在。此。矣。搜。其。身。果。得。引。火。之。物。乃。引。之。至。屋。後。小。舍。一。一。指。示。從。僕。知。無。可。隱。乃。盡。吐。實。蓋。主。人。曾。許。以。婢。給。之。既。而。靳。不。與。懷。恨。爲。此。欲。托。名。狐。仙。爲。祟。而。及。其。婢。作。偕。逃。地。也。事。既。白。某。商。責。而。遣。之。并。嫁。其。婢。禍。遂。絕。因。憶。前。歲。滬。上。亦。有。某。商。家。時。患。火。起。後。經。巡。捕。查。察。乃。知。一。童。子。所。爲。與。此。事。正。相。類。妖。由。人。興。而。不。知。人。卽。爲。妖。也。巫。者。張。皇。其。詞。抑。何。可。笑。

不。才。曰。粵。道。甬。巫。津。沽。姑。娘。子。皆。售。技。者。也。然。設。詐。害。人。草。菅。性。命。爲。社。會。之。蠹。兪。某。以。能。文。士。人。而。託。於。冥。役。以。諷。世。何。擇。術。之。不。慎。也。牒。文。故。紙。之。欺。蔑。愚。婦。狐。鳴。篝火。之。甘。爲。人。妖。人。心。之。壞。至。於。此。極。而。皆。託。於。巫。術。以。行。之。是。以。君。子。願。多。一。某。商。弟。者。發。其。隱。覆。而。不。願。更。有。如。兪。某。者。出。而。揚。其。頹。波。也。

二十世紀之新審判

水 心

客。有。自。臨。安。歸。者。舊。雨。欣。逢。歡。然。道。故。臨。風。把。酒。共。話。衷。腸。談。次。爲。余。道。一。事。銀。漢。波。翻。藍。橋。浪。惡。爲。軼。古。之。創。聞。成。千。秋。之。佳。話。余。聞。而。大。噱。急。握。管。直。書。爲。當。

世告

客曰。吾之作臨安遊也。涉屐天台之麓。扶筇天竺之巔。望錢塘之奔流。眺西湖之風月。隨園韻事。蘇小風流。都凡名士美人。遺芳躅於人間者。罔不躬親。領略其尤足介吾懷而不能釋然者。則莫如最近宋駿兒之憤毀鴛盟事。

宋駿兒者。錢塘巨家子也。父業賈。縱橫塵市中。端木貨殖。陶朱貿遷。不數稔而資產豐厚。南面作富家翁矣。駿兒甫毀齒。藉椿萱之庇廕。得錢神之栽培。被文繡。厭膏粱。翩翩然一佳公子也。

同邑有高某者。操刀筆業。產女一曰慧姑。掌珠獨秀。珍惜逾恆。高某心羨宋翁富。思欲攀附。薦蘿藉作他山之倚。助倩媒論婚。願以慧姑室駿兒。宋翁允之二姓聯姻。百年締好。方以謂雀屏中選。東牀坦腹。行且爲寒舍光也。

不期蒼狗白雲。世涂多幻。駿兒父半生粟碌。力耗神銷。燭淚風殘。忽焉駕鶴。老母以白頭鴛侶。遽爾分飛。鏡痛鸞分。琴悲鶴別。不慣守淒涼之罄。緯迺亦駕言而西。

遊時駿兒年剛舞勺。遭家不造。枝頭小鳥。煢獨無依。而餓虎饑鷹。復尋釁而起。砧上之肉。羣思一鬻。童子何知。烏能倖免。乘之昊天。不弔有意。弄人祝融。肆威可憐。一炬試問。村前紅豆樹。春來曾着幾番花。世事滄桑。曷勝浩歎。

我生之後。逢此百憂。駿兒以曙後孤星。頻遭顛沛。伶仃孤苦。將伯伊誰。宇宙茫茫。噉飯無地。不獲已。遂借枝豪門。溷跡奴隸。嗟嗟舊時。王謝堂前。燕飛入尋常。百姓家。此固非心誠悅服。蓋亦實命之不猶耳。

方駿兒之歷茲浩劫也。高某適外出。比歸則禾黍離離。王孫歌式微矣。心大不憚。回顧膝下嬌娃。倏已娉婷。玉立儼然成人。豈惹初葩。玫瑰蓓蕾。覩此女兒。花好益覺別有傷心處也。

慧姑自以小家碧玉。更得堂上愛憐。凡有所求。靡不如志。以故雖青閨深鎖。不事女紅。視針黹如仇讐。悅簡編以遣興。而一寸芳心。恆傾歐化。於「男女平權」一自由結婚。一諸學說。尤心領而神會。每當鏡臺妝罷。顧影自憐。春事闌珊。幽懷別具。

而一般「怡紅公子」「慘綠少年」乃時現影於美人腦蒂中矣。

春風桃李含笑迎人。慧姑既具此絕世豔姿。遂來浪蝶游蜂之猜忌。五陵年少三姓錦衣。徵逐紛紜。臣門如市。久之。小姑居處惆悵無郎。而園中紅杏漏洩春光。窺玉牆東。贈珠浦畔。風流韻事。正未遑多讓古人。

然而駿兒不之知也。隙駟不留尺波。電謝曾幾何時。駿兒既屆弱冠。慧姑年亦及笄。春心一點。已到花梢。杏嫁桃娠。標梅遞信。人生難得少年時。疇肯辜負此大好韶光者。駿兒雖無力築金屋以貯嬌寧。不能作宋宏糟糠之夫婦。遂不耐枝頭春鬧。挽冰上人詣高處議親。迎事詎料雲黯巫山。風翻閬苑。百年好事。頓成一場慘劇。豈不怪哉。

當冰人抵高家時。開桃天之判。譚請雲英而下嫁。在高某初意似亦首肯。而慧姑聞之。忽作鳳女之嬌啼。伏身母懷。泣曰。嫁得瞿塘賈。朝朝誤妾期。兒爲名門閨媛。寧能下儷。彼儻作未來之乞兒婦。不惟汚兒顏面。亦且有玷門庭矣。兒甘心藉蒲。

團席地。老我華年。不願箕箒。夫已氏爲當世羞也。母聞言。急撫其梨花之頰。以羅巾經搵其淚。婉慰之曰。兒勿嬌啼。使吾心碎。此事當與而翁商酌。定令翻此一重孽案。使待闕之鴛鴦。作脫籠之鸚鵡。庶不負吾兒之清才玉貌也。言已。立喚高某至內室。徑令辭決冰人。取消前約。高某始尙夷猶。繼見慧姑淚凝黛慘。嬌態憐人意大動。於是始決意賴婚事。既出。毅然謂冰人曰。先生聽之。兒女婚姻大事。寧可草率行之。前日之約。特戲言耳。烏可據爲口實。冰人陡聞是言。詫極。半晌始言曰。君癡耶。此事何事。胡出此言。執柯者固不止僕一人。十日所視十手所指。寧猶草率。況有文定婚約。彰彰可證。烏得謂之戲言耶。高某知前約不可諱。卽轉言曰。雖有成約。然而儷皮爲禮。鴈幣納徵。古之道也。宋氏果欲委禽者。請以二百元爲聘禮。冰人曰。君誠有意。難人哉。駿兒今日落拓。非昔日繁榮時可比。安所得二百元之巨款。高某忽作色曰。旣無聘禮。則前此婚約卽歸無效。可無庸多議也。言畢。拂袖徑入。

冰人大怒立返。語駿兒以狀。駿兒聞之。憤極。幾不欲生。落花有意。流水無情。錦瑟分張。琵琶別抱。以多情之駿兒。頓遭情場之磨折。傷心。崔護能勿效阮郎痛哭。耶。人面桃花。雖未親睹。而驪歌別唱。寧所甘心。駿兒自忖。人微言輕。難與角勢。惟控諸官。則王法昭彰。庶可獲直。又思高某本慣走公門。縣署中必占情面。地方審判廳。爲文明新衙署。必不能徇私而枉法。用是具稟。徑投地方審判廳。而文明法堂中。遂添此一種風流公案矣。

越日。下午四句鐘。杭州地方審判廳。特開民庭公審。提集宋駿兒及高某對訊。駿兒先將文定婚約呈上。次將高某因貧賴婚對付冰人等語一一稟訴。高某亦上訴曰。按古禮。婚約原不可廢。鄙人亦何敢賴婚。特因駿兒無賴。甘心作他人之奴隸。弱息泥於自由結婚之義。不屑下偶。僮奴必使駿兒脫籍。輿臺別圖。駿業足爲門楣增輝。庶允百年偕老。審判員曰。惡有此理。既許牽絲。卽歸元振。若以臧獲爲玷。昔衛青牧羊受主鞭笞。爨布賃傭。代人奔走。古人亦嘗蠖屈矣。況現值文明時。

代。貴。賤。平。等。臧。獲。亦。何。辱。乎。門。楣。耶。高。某。曰。果。如。堂。上。所。云。盍。不。請。堂。上。與。奴。隸。爲。伍。當。亦。平。等。時。代。所。允。許。也。言。未。畢。聞。者。爲。之。粲。然。

審判員又曰。自由結婚。本歐西風化。吾國人民。程度尙低。爲女子者。實未可效法。文明結婚。例自由擇婿也。高某曰。此地何地。固明明爲文明審判堂也。旣在文明審判堂上。胡得不許用文明禮節。矧自當擇婿不自。今日始。昔林甫女郎。當窗選是可婿。知自由結婚。吾國千百年前已有行之者。固不得謂爲純然效法歐西也。言至此。聞者又幾絕倒。

審判員復曰。廡中有騏驥。此劉刺史擇婿語也。以刺史之賢明。刺史之威望。猶以愛女。妻廡卒。爾何人。斯駿兒健男子。遂不足爲爾女配耶。早知悔於今日。何不愼之。當初旣有婚約。爲徵烏容。巧肆簧鼓。弗論爾若何便。給本廳。祇當照理。直斷高某曰。極佳。極佳。堂上固有此權力。爲吾女作主。令卽嫁駿兒。鄙人敢不遵斷。但鄙人能生女兒。身弗能生女兒。心堂上作主。強令結褵。後儻或名花。菑落。抱怨東風。

琴瑟不調。致生叵測。彼時鄙人不任其咎。乞堂上着駿兒具結。庶免貽累。審判員聽罷。勃然大怒。將肆雷霆。齏地有清銳之聲。自法堂外。鼓盪空氣。直入堂上。大類河東之獅吼。其聲曰。羅敷自有夫。誓不嫁。此牛馬走以下。雜以號哭聲。嗚嗚不可辨。惟一男女自由。一結婚自由。等語。尙了然於耳鼓。審判員怪極。命司役往勘。何人有頃報曰。高某女慧姑也。先是女屢欲上堂。申訴爲庭丁遏阻。女卽頓足大哭。呼囂肆潑。不可理喻。此聲卽自其檀口中出也。審判員聆此益怪。瞠目不知作何語。此時駿兒挺身上對審判員曰。乞堂上將文定婚約賜僕一閱。審判員不知其意。給之。駿兒執婚約。怒髮上指。豁然撕裂。復搓折成團。力擲高某前。目眦幾裂。抗聲曰。大丈夫何患無妻。娶妻寧必高氏女。從此汝女另嫁夫。吾自別娶婦。車東馬西。兩無關係。言畢。昂然出而審判廳之一種公案。遂以解決。客言亦因之而寂。

水心曰。吾初聆高某賴婚事。不覺拍案大呼曰。怪怪。天下竟有此人。面獸心之儉。

父。天。下。竟。有。此。喪。心。病。狂。之。少。女。及。聆。至。駿。兒。憤。毀。婚。約。則。又。浮。一。大。白。日。快。哉。
健。男。兒。雖。奴。亦。何。害。

商務印書館各種名片價目表

E. S. Thick Ivory, Gilt.			E. S. Thick Ivory.			Alabaster.			Don Valley.			名目
金邊			大	中	小	大	中	小	大	中	小	
大四號	中四號	小四號	大三號	中三號	小三號	大二號	中二號	小二號	大一號	中一號	小一號	每單面百張印
一元三角	一元一角	九角	九角	八角	七角	五角五分	五角	四角五分	四角	三角五分	三角	
一元四角	一元二角	一元	一元	九角	八角	六角五分	六角	五角五分	五角	四角五分	四角	每雙面百張印

如承印日常取件一律切照大照洋計算

一 紅色片。(單面)每百張。加五分。

一 代譯洋文。每件一角。

一 欲印本人照相片者。代製銅版。每件一元。

一 欲用楷書。或別種書體者。代製鋅版。每件八角。

一 此項銅版鋅版。七日取件。製成後。永遠可用。

一 印一百張以上。每百減收一角。如小一號單面印一百張三角。二百張五角。三百張七角。四百張九角。餘可類推。

一 遠地委印。照上列價目。每百張。加郵費一角。

一 或用現洋。或用郵局匯票。寄至上海商務印書館王德峯君收。即日印就掛號寄奉。萬不致誤。

一 郵局不通匯兌之處。可用郵政票代錢。惟每元應加五分。郵票以一角及一二分者為限。

一 二角以上之郵票不收。

一 有匯票郵票之信函。須掛號寄下。以免遺失。

中華民國元年十二月一日訂定 (786) 壬

商 務 印 書 館 出 版

玻璃
版印

孔 林 遺 蹟

一册
一元

是册專 搜集孔 林之遺 蹟凡二 十有四 種本館 攝影後 用玻璃 版精印 惟妙惟 肖與原 蹟不爽 毫釐閱 之足令 人起敬 茲將列 目如下

金聲玉振坊 太和元氣坊 弘道門 大文門 同文閣 奎文植壇 孔子手植樹 杏大成殿(正面) 大成殿(內容) 聖廟禮器 孔壁像 魯里 闕里坊 萬古長春坊 至聖林坊 洙水橋 孔林亭 至聖殿 伯魚墓 顏子廟 曾子廟 孟子廟

壬八九一號

中華民國三年三月初版

說 林 第四集

(每册定價大洋貳角)

編纂者 商務印書館編譯所

發行者 商務印書館

印刷所 上海北河南路北首寶山路 商務印書館

總發行所 上海棋盤街中市 商務印書館

分售處 北京保定奉天龍江吉林天津濟南 開封太原西安成都重慶安慶長沙 商務印書館分館

桂林漢口南昌蕪湖杭州福州廣州 潮州雲南香港貴陽南京蘭谿

★此書有著作權翻印必究★

三三三六